



सानसेयारि "बड'सा" खरीरालाइयाव समाज्यादि जिज्जो लोब्बा थानाय रायथाय, खन्थाय, सल', सल'बाथा आरु बावबायारि थावनि, पार्क बाइदिनि स्यायाव लिहनाय लिहबिबां दैशाय डर/ सानसेयारि "बड'सा" खरीरालाइया खेबखानानै फोस्वावगोब।

बड'सायाव लिहहरनायनि हुबा खालाम, "बड'सा" खरी नोथि, जों बयबो आंगो खालाम।

सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Thursday ★ 22 February, 2024 Kokrajhar, BTC, Assam ★ Vol.-33, Issue No.324 ★ R.N.I. Regd.No. 40994/91, Assam Govt. Regd.No.IPRD.40/2006/3, ★ Rs.8/-



मदि सरकार
नि गेरैन्टि

हमारा संकल्प बिकसित भारत

जौगालु आबादारि,
जौगाखां हादत



बारिन मिथिनो
थाखाय स्केन खालाम

थानाय 10 बोसोराव आबाद
बाजेतआव 5 गुन बांदों;
आबाद गुदि बिथानि थप्लानि
सिडाव 1 लाख कौटि रांनि
दाहारनि खाबु



बिटिसि देहा खोन्दोयाव सलार गोहो गायसन्नानै गोदान राहा सोर्जिनाय

सेलक ' फाउन्डेसननि प्रजेक्ट आरो फालांगि थुलुंगाखां मेला

कक्राझार, 21 फेब्रुवारी: बिटिसि खुंथाय आरो सेलक' फाउन्डेसननि गेजेराव गोरोबलायनाय रदाय बायदियै कक्राझार सोहोरनि ग्रीन फिल्डयाव दिनेनिक्राय सानैनि हाबाफारिजों बिटिआर ट्रेड फिसिलाइटेसन फर सास्टेनेबोल इनार्जि एन्ड लिभलिहट टेक्नोलॉजिसनि दिन्थिफुंनाय हाबाफारिया जागायजेनबाय। मख'नो गोनांदि, सेलक'



फाउन्डेसननि बान्जायनायाव आरो बिटिआर गौथुमयारिनि हेफाजाबाव खुंजानाय बे हाबाफारिखो दिने गोथारे बेखेवना होयो बिटिसिनि मावफुं सोद्रोमा रेव-रेवा नार्जाहारि आरो अरुप कु मार देमोनहा। आथिखालाव बिटिसि गौथुमआ चेलक' (एसइएलएसअ) फाउन्डेसन मुनि आफादिनि हेफाजाबाव बिटिसि ओन्सोल

(□ 5 बिलाइआव)

कक्राझारआव फैगौ 24 फेब्रुवारीआव ब्रह्म दोहोरुम क-अर्डिनेसन आफादआ महायज्ञ खुंगोन

कक्राझार, 21 फेब्रुवारी: ब्रह्म दोहोरुम क-अर्डिनेसन आफादिनि बान्जायनायाव फैगौ 24 फेब्रुवारी (माघि पुर्णिमा)खालि फुंनि 5:00 रिगांनिक्राय बेलासिनि 5:00 रिगांसिम सानसेनि हाबाफारिजों मुलुगु गोजोननि थाखाय गोजोननि नोगोर कक्राझारनि ग्रीन फिल्डआव महायज्ञ हाबाफारि मावफुंनो थि खालामदों। मावफुंनो गोनां बे महायज्ञखो गौसै सा 120 पुरहितफोरा दैदेनगोन आरो गौसै मोन 25 यज्ञकुण्ड थागोन, जेराव गौसै धोरुम आरो हारिनि बाहागो लागिरिफोरा बुधुमनाय दोनखानाय प्रसादखो यज्ञआव होनो हागोन। मख'नो गोनांदि, बे मेहेर गोनां हाबाफारियाव आसामनि गिबि मन्थि उ हिमन्त बिश्व शर्माआ गहाइ आलासि महेर बाहागो लागोन। लोगोसे आसाम आइन्

आफादिनि बुंथिगिरि बिस्वजित दैमारीआ जर 'खा आलासि, आसामनि केबिनेट मन्थि उखाव गोरा ब्रह्मआ बेखेवगिरि आलासि आरो बिटिसिनि गहाइ मावफुं सोद्रोमा प्रमद बर 'आ हांखायजानाय आलासि महेर बाहागो लागोन। बेनिखायनो गौसैबो धोरुमारि आफादिनि दैदेनगिरि, सिबियारि, समाजयारि आफादिनि दैदेनगिरिफोरजों लोगोसे मावथिफोर, राजखांथि दोलोनि दैदेनगिरि, मावथिफोर, बिबानगिरि, मेलेमजिबि, गुबुन गुबुन आफादआव थानाय दैदेनगिरिफोरजों लोगोसे मावथिफोर, समाज सिबियारि, हारि, धोरुम-बोरुन बासियालासे वयखोबो लैहोर-लैहोर फैनाय मुलुगु गोजोननि महायज्ञ हाबाफारियाव बाहागो लाफैनो थाखाय ब्रह्म धोरुम क-अर्डिनेसन आफादआ खावलायहरदों। □

बिसायख 'थि आयगआ फैगौ लकसभा बिसायख 'थिनि विथोनमाखौ मार्च दानाव फोसावनो हागौ!

गोदान दिल्ली, 21 फेब्रुवारी: भारतनि सरसनसा बिसायख 'थि एबा लकसभा बिसायख 'थिया खुंजानो माखासे सानल' आद्रा दँसै। बे समआव बसायख 'थिनि सान-अक्टखो फोसावनो थाखाय हादतनि बिसायख 'थि आयगआबो साखा-फारा जानाने दँसै। मख'नो गोनांदि, फैगौ 12 मार्चखालि लकसभा बिसायख 'थि विथोनमाखौ फोसावनो हागोन होन्नाय मिजिंथिजादों। बे खेबनि लकसभा बिसायख 'थिखो मोन 5 निफ्राय मोन 7 खोलोबयाव खुंजानो हागो होन्नायबो मिजिंथिदों। बिसायख 'थिखो नोजोर होनायने अक्ट फोसावनायजों लोगोसे खुंथायखोबो थियारि खालामनानै लाखिनाय जादों। बेखो लानानै भारतयारि बिसायख 'थि आयगआ खौरंगिरि मेलनि गेजेरजों अक्टखो फोसागोन होन्नाय सुलुडा मिबथि होदों। □

आबादारिनि रांखान्थि-समाजयारि जौगाखांहोनो आबाद बिगियान मिरुनि जर'खा मेल

चापर, 21 फेब्रुवारी: भारतयारि आबाद संदानग्रा गौथुम (आइएसएआर) आरो सोनाब बंग 'नि कल्यानयाव थानाय पुर्बान्सलिय माहारियारि गाइखेर संदानग्रा फसंथाननि जुथाय बान्जायनायाव दिने बुधुबारखालि आसाम आबाद मुलुगसोलोंसालिनि सिडाव थानाय, आबाद बिगियान मिरु, सोनाब आसामनि धुबुरी जिल्लानि चापर थानानि सिडाव



थानाय बहलपुरनि हल्लिडबारि केम्पासयाव लिभलिहड इमप्रभ एनइएइस (नर्थ इस्टर्न हिल्स रिजन) बिथांखिनि सिडाव मोनसे हाबाफारि खुंनाय जादों। हाबाफारियाव पुर्बान्सलिय

माहारियारि गाइखेर संदानग्रा फसंथाननिक्राय बाहागो लाफैदों फारियै उ तापुर् कुमार दत्त (गाहाइ बिगियानगिरि), उ सुब्रत कुमार दास (गाहाइ बिगियानगिरि), उ दिलिप कुमार मन्डल (बिगियानगिरि) आरो उ अनुपम चेतार्जो (गाहाइ बिगियानगिरि) मोनहा। बे हाबाफारियाव आबाद बिगियान मिरु धुबुरीनि गहाइ

माहारियारि गाइखेर संदानग्रा फसंथाननिक्राय बाहागो लाफैदों फारियै उ तापुर् कुमार दत्त (गाहाइ बिगियानगिरि), उ सुब्रत कुमार दास (गाहाइ बिगियानगिरि), उ दिलिप कुमार मन्डल (बिगियानगिरि) आरो उ अनुपम चेतार्जो (गाहाइ बिगियानगिरि) मोनहा। बे हाबाफारियाव आबाद बिगियान मिरु धुबुरीनि गहाइ

(□ 5 बिलाइआव)

गिखंथाव लामानि जाब्रबथायजों सानै जोखोम



तामुलपुर, 21 फेब्रुवारी: तामुलपुर जिल्ला सदरनि डिधिलिपाराव दिने मोनाबिलिनि 5:30 रिगायाव मोनसे गिखंथाव लामानि जाब्रबथायाव सानै सुबुंफोरा गोब्राबे जोखोम जायो। मिबथिनो मोन्नाय बायदियै डिधिलिपार थिनालियाव 5:30 रिगासोयाव गिखंथाव लामानि जाब्रबथाय सोमजियो। सापकाता उफ्रा लामा फारसेनिक्राय गंसे बाइक (एएस

(□ 5 बिलाइआव)

फाटेमाबाद साहा बागानाव खामानि मावग्राफोरा सोमावसारदों

सालबारि, 21 फेब्रुवारी: बाक्सा जिल्लानि सालबारि महकुमा एबा वर्ल्ड हेरिटेज साइट मानास माहारियारि पार्कजों नांजाबना थानाय फाटेमाबाद साहा बागानाव खामानि मावग्राफोरा सानै नाडे सोमावसारनानै दड। मैया सोमावसारनाय समाव दुहाव जानानै थानाय फाटेमाबाद साहा बागानाव दिने फिन सोमावसारफिनो साहा खामानि मावग्राफोरजों लोगोसे आदिबासि फरायसा आफादआ। दिने फुंनिक्राय साहा खामानि मावग्राफोरजों लोगोसे



आदिबासि फरायसा आफादिनि मावफारियाफोरा बागान सामलायगिरिनि मावखुलिखो बेंखनानै बिफाननि हेथायै गोखोडे खुद्रिखानाय फोसामयो। फाटेमाबाद साहा बागाननि खामानि मावग्राफोरनि पिएफ

धोनखो गथायनाय, सुटिनि धोन गथायनाय, रेसन-देहा बायदिजों लोगोसे गुबुन गुबुन जेनाफोरखो सुखानायनि दाबि खालामनानै

(□ 5 बिलाइआव)

राइज्योनि माखासे जिल्लयाव अखा हागोननि सांग्राथियारि फोसावदों

गुवाहाटी, 21 फेब्रुवारी: ओन्सोलारि बोथोर बिगियान मिरुनि बायदियै फैगौ माखासे घन्थानि गेजेशव राइज्योनि गुबुन गुबुन ओन्सोलयाव गोखों अखा हागोननि सांग्राथिहोदों। राइज्योनि कामरुप, कामरुप (नोगोरमा), नलोबारि, बरपेटा, उदालगुरि जिल्लयाव गोखोंथार अखा हागोननि सांग्राथि होदों। लोगोसेनो डिमा हासाव, काछर, करिमगन्ज, गलाघात, जहात,

(□ 5 बिलाइआव)

मानास माहारियारि हाग्रामायाव मैदेर सान्नाय हाबाफारिआ जागायजेनबाय

सालबारि, 21 फेब्रुवारी: मुलुगदांखा जारिमिनारि मानास माहारियारि हाग्रामायाव मैदेर सान्नाय हाबाफारिआ जागायजेनबाय। राइज्यो नो नो गुबुन गुबुन माहारियारि हाग्रामा आरो हाग्रा ओन्सोलाव हाग्रानि मैदेर सान्नाय हाबाफारिया जागायजेनबाय बायदिनो मानास माहारियारि हाग्रामायावबो मैदेर सान्नाय हाबाफारिया जागायजेनो। माहारियारि हाग्रामानि मोन 48 खोन्दोआव गौसै मोन 105 हान्जाया बे सान्नाय



हाबाफारिखो जागायजेनो। बायदि रोखोमनि फोरोंथाय हाबाफारि लानायनि उनाव हाग्रामायाव मैदेर सान्नाय हाबाफारिया सोलिगासिनो दं।

बेनि गेजेरावनो माखासे हाग्रा मावफारिया फिसिनय मैदेर बाहायनायजों लोगोसे माखासेआ थाबायनानै हाग्रामानि सिडाव मैदेर सान्नाय हाबाफारिखो खुदों।

सिगांनि रुजुनायाव बे बोसोराव हाग्रानि मैदेरनि अन्जिमाया बांगोन होन्नाय मानासनि बिबानगिरिआ मिजिंथिनय फोरमायदों। □

कुमगुरिनिफ्राय सर्गम नार्जारीआ गोमादों

भवानिपुर, 21 फेब्रुवारी: सालबारि महकुमानि सिडाव थानाय कुमगुरि गामिनि सासे सुबुडा थानाय 5 साननिक्राय गोमानानै थानाय जाथाया ओन्सोल नाडेनो गिखोनाय थासारि सोमजिहोदों। सालबारि कु मगुरि गामिनि थागिरि, थानाय शनिबारनिक्राय गोमानानै थानाय सुबुनि मुडा सर्गम नार्जारी (44)। थानाय शनिबारखालि फुंबिलियाव गावनि न'निक्राय ओंखारलानाय समनिक्रायनो सर्गम नार्जारीआ दिनेसिमबो गिदिबोफिनाखे। गोमानानै थानाय सर्गम नार्जारीखो सोरबाफोर बहाबा नुसनबायोब्ला 7636811710 एबा 9101925502 नम्बरआव खौरं हरनो थाखाय नख'रनि सुबुंफोरा राइजो-राजाफोरनिसिम खावलायहरदों। गुबुन फारसैथि मैया मंगलबारखालि जाथायनि सोमोन्दे सालबारि पुलिस थानायाव गोमानाय सर्गम नार्जारीनि नख'रनिक्राय गंसे एजाहार थिसनहैयो होन्नाय मिथिनो मोन्नाय जादों। □



भारत-भुटान सिमनायाव मुलि गोनां मुसारि रान्दों



तामुलपुर, 21 फेब्रुवारी: भारत सरकारनि देहा बिफानआ फैगौ 2030 माइथायसिम हादतआव मेलेरिया बेराम फोजोब्रानायनि जर'खा राहा लानानै जिएफएटिएम नि हेफाजाबजों हादतआव मेलेरिया बेराम मैखोम ओन्सोलाव मुलि गोनां (□ 5 बिलाइआव)

सुजुगिरिनि खोलोम



थानानै थानायनि राहा फारि

आबादयानो गामियारि सुबुंफोरनि थाना थानायनि गिबि आरो गुदि फुंखा। आबादनि अनगा सादा-बुसा मानानै जाग्रा गामियारि सुबुंफोरा गुबुन माबा मोनसे मुलाम्फा गोनां खामानि-दामानि मानानै रांखावरि आर्जिनो आरो आबादखौ गुबै राहा हिसाबै लानानै गोनोखोरयि आदोबजौं मानवो हाजोबनाय नुनो मोनाय जाया। आबादयारिफोरनि गेजेरावबो आथिखाल मोजां फालांगिरि, आदर्श आबादारि नुनो मोनाय जासै। मिथिंगायारि फुंखानिफ्राय मोनाय माखासे खाबु आरो देहानि बोलो बाहायनानै मानसोमनायनि गेजेरजौं गामियारि रांखान्थियाव गुस्लायनाय लाबोनो हानाय नुनो मोनाय जाबाय। गामि ओन्सोलफोराव आथिकालनि समाव सुबुंफोरा ना-हांसो, दाव-अमा फिसिनानै रांखान्थियारि बिथिडे एसे-एनै सुथानो हानाय जाबाय। गुबैय ना आरो हांसो-दाव फिसिनार्यनि मोजां समानो जादौं दैज्जां बोथोर। दैज्जां बोथोर सौफैब्लानो गामि ओन्सोलनि गोबां हाखर-हाला, गरखाय-दंग फ्रा अखानि दैज्जां दानब्रै-दानबासिम आबुं लोमानै थायो। बेफोर एरेनो गोलैसोनानै थानाय हाखर-हालाफ्राव समबाय हिसाबै एबा गावयारि हिसाबै बोथोरानो ना फिसिनो हागौ। ना-जौं लोगोसे जावजा आबाद हिसाबै हांसो फालोबो फिसिनार्यनि राहा खालामनो हायोब्ला रांखान्थियारि फुंखाखौ एसे एनै बांहोनार्यनि मिजिं खालामनो हागौ। दैज्जां बोथोरान थि बैखनथार्यनि गेजेराव दोन्नानै हांसो फिसिनो लायोब्ला देयाव थाल्दानाय-साम'-खांखाइ, गुमा, बायदिसिना एम्फौ-एनलाफोरखौनो गोजोम-गोजोम जानने थानो मोजां मोनो हांसोया। जाउनाव गोबां आदारनि गोनांथि जाया। बिबिनो हाखर-हालानि फोसाबसाडे हाग्रा-बंग्रा, दाखोर-दालाफ्राबो ना फिसिनार्यव गोबां मदत खालामो। नानि थाखाय फोसाबै हाखर, गरखायफ्राव गोबां आदार नांगौ जानानै फैया। मानो होनोब्ला बेफोरान नानि थाखाय गोबां आदार ज' जानानै थाखायो। बेखायनो बेफोरखौ सिगां नोजोर थिग्रोनानै मोजां आरो गोगो जोलैनि ना फुवान आरो हांसो जोलै ज' गायनानै फिसिनार्यनि बे गोलै राहाजौं बाइइ खरसा आरो बाइइ सर्मनि गेजेरावनो गरफा-गरनै खामायनार्यनि लामा ओंखारो। गोलै दिखुरा हांसो फिसानि थाखाय ना फिसिनार्य बादिनो सोरगिदिं जेवरानि गेजेराव सम सम आरो बाइजोयावबो सम लानानै हगारलाय-थिसनलाय खालामना होनार्यनि राहा लायोब्ला गोखै देरनो बोलो मोनो। आथिकाल ना-बेदरनि साहिदा बांनार्य आरो बारयगलाबनाय बेसेनखौ नोजोर होनानै ना-हांसो फिसिनार्यजोबो रांखान्थियारि बिथिडे गोखौं जानो हायैनि बाथा फैया। नाथाय बेफोर आबादजौं गोबां मुलाम्फा जायैआ सैथो , नाथाय बेकारफोरनि थाखाय साखि-बाखि जासान्दि आखायनि खरसा फेनायाबो सैथो।

आथिखालाव रोजा-रोजा बेकारफोरखौ सरकारि मावफारिया थिसनानै जेनाखौ सुफुं नांगौया गोब्राब होन्नानै नुहरखानाय। बे बिथिडे सरकारि मावफारियाखौल'नेनानै थास्लायसाय बाइइ सम आरो एसेल' खरसाजौं गोलै गोलै बिथांखि लानानै रां खामायनार्यनि राहा लानानै सरकारि अन्सुंथाय मोन्नायनिबो सरकारि मावफारिया, बिबानगिरिफोरजौं सोमोन्दी लाखिनार्य गोनांसै।

दिनैनि फान्जामुथि

राशि बाइदियै मुनि गिबि हांखो

मेघ : अ ल वृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ट (ण ष) तुला : त र बुध्चक्र : ब न धनु : ध ष (ढ फ) मकर : ख ज कुम्भ : ग श (स) मीन : द च (ख ज झ)

मेघ: बेराम गोनां सुबुड सांग्रां जानानै थानांगोन। मोजाडै बोसोन फालिनांगोन।

वृष: मोजां मोनलायनायजौं लोगो हमनो हागोन। गोजोने सम बारहोनो हागोन। मोजां सान।

मिथुन: मानिबा दुखुनि थाखाय गाबानानो हागौ। गोसो हमथानानै सोलिनांगोन।

कर्कट: माबा मोनसे जाब्रथथायव गोलैबायनो हागौ। सांग्रां जानानै थानांगोन।

सिंह: माबाफोर मुवा-बेसाद ख'हा जानो हागौ। गोसोखौ शान्ति मोन्नाय नड।

कन्या: जेखि जाया फालांगिआव मुलाम्फा मोन्नो हागौ। गोजोन मोनगोन। मोजां सान।

तुला: सोरजौंबाफोर गोसोआव दुखु मोन्नाय खोथा बुजाबायनो हागौ। गोसोखौ हमथा।

बुध्चक्र: देहाया हजमजायै बेरामआव गोलैनो हागौ। जानाय-लौनायाव सांग्रां जानांगोन।

धनु: बेफार-फालांगि मावग्रानि थाखाय गाहाम सान। रांखावरि मुलाम्फा मोन्नो हागोन।

मकर: माबाफोर मोजां खौरं मोन्नो हागौ। गोसोखौ गोजोन मोनगोन। मोजां सान।

कुम्भ: जेखियानो जाया न'नि गोथार खामानि मावनो हागोन। फारफ्रेमबो मोजां।

मीन: सुथुर थानायफोर दंब्ला जोबसांलांगोन। गोजोने दिनखौ बारहो हरनो हागोन।

सुंद'सल'

-मन्त्री ब्रह्म चौधुरी

दि नै नि फ 1 य अखाफोर दानसेसो सिगां कचुगाव फरेष्टरेज सिनि बबेबा गामियाव माबा आफोद आफोद हाग्रा बारिनफ्राय सि गान्नो रोडै लान्जाय गोनां सिख्लासा सानै आरो गं गनै गोनां बेबो सि गान्नो रोडै सेंग्रा हमनानै मोनबोदौं होन्नाय खौराड जोबोद आराव जाथारदौं। आइओ आइओ दानि मुगायावबो लान्जाय गोनां, गं गोनां सि गान्नो रोडै मानसि दंबावोनो होन्नानै बयबो सोमोनांदौं। सोमोनांनार्यल' नड नंमारगौ। बाथाया नंद्रायैबो नड, आरो नंद्रायगौबो नड। गं गोनां आरो लान्जाय गोनांमार। बयबो फालो फालो लोब लोब नायमारदौं। बिसोर साथामहा गान्नाय खसाब बुंनो गैगुबै थारामोन। नायग्राफोरा बुंफैदौं। नाथाय कचुगाव फरेष्ट रेज सिंद्रायनि गामिनि नड। फरेष्टजौं नांजावनाय गंसे गामिनिसो। गामिनि मुड थेंगोना बिलो। गोदो मोनसे बिलोयाव ना थेंगोनाल' मोनोमोननो। बिनिफ्रायनो बे गामिनि मुड जादौं। गोदो फरेष्ट भिलेनमोन। दा नंला। आथिखालाव रिभिनड भिलेन जाबाय। हाग्रा बारिया नांजावथारनाय। फरेष्ट बिफाननि राइटा बुखावनानै दोन्दौल'। गोदो फरेष्ट भिलेन थानाय समाव फरेष्ट बिफानआ बे गामिखौ मोजाडै साजायदौं। सरगा दिडहा दिडहा जाम्फे दारा दारा ब्लां ब्लां। माइ दैनि आंखाल गैया, ना बेदर जोबनो थाड बे गामियाव।

मतिराम ब्रह्मआ बे गामिनि। गोदो गामि फसंजेनब्लानो गुदि फरायसालि गाइसनानै गावनो गाहाइ फोरोंगिरि जाबोदौंमोन। दा आजिरा मोनबाय। गोबावसै। फरेष्ट बिफानआ बिथांखौ हेड मेनबो फाथिदौंमोन। दिनैसिमबो हेड मेन जानानै दड। बिनि गामि दैदेन्यायव रावहाबो हँथा गैया। फरेष्ट ल' आरो सिभिल ल' जेखौबो मिबथिगौ, जेनिबो आखा-फाखा मानसि। आन्सलिक बड' समाजनि गाहाइ नेहाथारि आरो आफादगिरिनि बिबान रुजुनानै गोबाव सम बड' समाजखौ दैदेनबोदौं। राइज्योफ्रा बिथानि फसेबो बाथा बारा। राइज्यो-राजानि सुखु-दुखु, जेड-जेथो फोसाबो-बोसाडो। बिथांखौ थार समाज दैदेनगिरि बुंजायो। नाथाय समाज बेरेखा हाबाखौ बिथाड आसुगुर गावगासेबो निमाहा होया।

हाग्राबारि खाथिखाय बे गामिनि राइज्योफ्रा माइ दै आबाद दैखानायनि सिगां आरो बैसागुनि समाव ज'ज' हाग्रामा बारियाव मैहुर खालामहँयो। मै, अमा लाबोनानै बेदर फोराननानै माइ मारा-मारि होब्ला रम्बाउन समाव जानो थिनानै दोनो। देग्लायबो आशिन कार्कि ज'रा ज'रि समाव गामि हलँनो सिलाइ, बोरला-थिर, जं लानानै मैहुरआव थान्दौं। मतिराम हेड मेन जौं लावगाजौल' गामि नोजोर होनो थालांदौं। नाथाय बिसोर सिलाइखौ गावला बायनो मोना। सरकारा एस.एस.बि बिएन, आरमी, सिआरपिएफ, जवानफोरखौ जायगा जायगा केम्प खालामनानै दोन्दौं। बिसोरनो हमो आरो सिलाइखौ लाडो। जानो हागौ बड'लेन्ड

गोसोम बार

बिग्रा थिउरियाफोरा बड'लेन्ड दाबिफिनानै हाग्रायाव थॉफिनगोन सान्नानै हाग्रायाव होन्दौं खोमा!

थेंगोनाबिलो गामियाव गंधाम दुइनली कार्टिज दंखायो। मतिरामआ गंसे, लावगा नाजरीहा गंसे आरो हँलाहा गंसे। मतिराम, लावगा, हँला आरो माखासे साथामसो फलान दंखायो। गोदो गामि फसंजेनब्लानो मोसा-लखानिफ्राय रैखा मोन्नो फरेष्ट बिफाननिफ्राय बिबानानै लाखानाय। बिसोरों नांथारब्लासो सिलाइखौ बाहायो। फुडवनो जाद' माद' थेंगोनाबिलो राइज्योफोरा मैहुरआव ओंखारलांदौं। जेराव जेराव मै-अमा थायो बेफोर जायगायाव बिसोर नागिरबाय। मोन्थाखै। संग्रा। जैरेबो थान्दौं सेरखाय-बेरखाय। माखासे मानसिफोरा हाग्रामा बारियाव बाइक गंसे नुनानै सोमोनांदौं-माब्रै सोरनि बाइक थाफेखो बेवहाय! बिसोरों मोजाडै संदानो सानबाय। सिरि सिरि नागिरबाय। मोनसे जाल्खाबारियाव लंथं लंथं सानै सिख्लासा आरो लंथं सेंग्रानि बिसोरनि नोजोरव गोलैबाय। बिसोरों स्रोदयै राइज्योफोरखौ लिंबोजोबनानै बे जाल्खाबारिखौ बे खनजोब्याय। बिसोरों साथामखौ सिलाइ थुहँबाय आरो जाल्खाबारि सिनिफ्राय बरननानै लाबोबाय। सोंबाय- मा फाव खालामदौं नोंसोर बाव? आरो खोथा गैला बिसोरों साथामखौ मैहुरआव थानाय सेंग्राफ्राल' बारा जागोन सान्नानै सासेया बाद होबाय। बारा दाखालामसै गामियाव लांदिनि। मा खालामनांगौ आबौ मतिरामनाव सोंहँदिनि थु। माखासे सेंग्राफोरा बाइकखौ नायनानै नुबाय बेयाव ब्रेसियार गानै, जांगियान गानै, शार्ट गान्से, स्पर्टि गेन्जि गान्से आरो बाइक ल'न मेल-2023, इन डेबिट टु एसबिआइ लिस्नाय लेखा बिलाइ आरो मवाइल गंधाम मोनबाय। जांगियान, शार्ट, स्पर्टि गेन्जि आरो ब्रेसियारखौल' बिसोरों गानहोनानै माखासेखौ बाइकनि पेट्रलखौ बख'नानै हाथ'फ्लानि महर होबाय।

गामियाव लाबोनानै बिसोरों मतिराम बाबुनो गुदि-खिथा खिन्थाफै जोब्याय। सेंग्राखौ सिनायवाय गामिनिनो लाउगा नाजरीरिनि फिसाज्ला हास्थाइ नाजरीरि। सेकेन्ड इयार एचएसआव फरायनाय। नाथाय सिख्लासा सानैखौ सिनायाखिसै। मुंथं सोंबाय स्त्रि। जेबो खिन्थाया। मतिराम बाबुया खायदा दिहुनबाय। मतिरामआ बिसोरों साथामखौबो राइज्योनि न'ब्लाडव खुन्थियाजौं खाजाव खाजाव दोनो थिनबाय। गाबोन रबिबार कचुगाव हाथाइ, संफोर समबार सेरफांगुरिनि हाथाइ। बे खुनै हाथाइयाव ओरैबायदि ल बुनानै खिन्था- "हाग्रामानि मानसि सिख्ला सानै सि गान्नो रोखै लान्जाइ गोनां आरो गं गनै गोनां बेबो सि गान्नो रोडै सेंग्रा हाग्राबारिनिफ्राय हमनानै मोनबोदौं बयबो नायफै नो हागोन। बेयाव जेबो फिस होनाड। सानस्ति नायहोगोन। बिनि उनाव दसायाव लांगोन।" होन्नानै। मतिराम बाबुआ सरकारनि पलिचि टु पार्सन आइ डे नटिफि के शान

(टिपिआइ) थामहिनबा गुबै गार्जेननि सिनायथि दिहुनार्यनि खायदाखौ खालामबाय। सानै सेंग्राखौ नट खालामनो बिबान होनानै दोनबाय। अखानार्यनिफ्रायनो लोब लोब मानसि नायफैबाय। सानब्रै बारलांबाय। मानसिफोर नायफैनाय लोब लोब आन्थोर ज'या। नाथाय रावबो बिमा-बिफा फै थारा। मतिरामआ सानबाय गिनानै रावबो सिमान जायखिसै।

बाथि सान। सानै मानसिया बै सिख्लासा सानैनि सिगाडव गसंनानै गल' ल' नायबाय थान्दौं। सानैबो बुंबाय-फा बौरै बौरैथो हमजाया नो? बै सानै सेंग्राया सोंबाय- नोंसिनि मा जायो? बिसोर सानैबो फिनबाय- जौनि फिसाजो। बास'मै'आ जेआव नांफैबाय। जैरे सान्नाय ओरे खामानि जानाय ॥

सासेया खिन्थानानै लाबाय- आं सेनब्ला बड'। बिनि बिफा। बिनि मुड मिस हामब्लाइग्रा बड'। थाखो 9 आव फरायो। गामिया हांमाफुरि। सासेयाबो खिन्थानानै लाबाय आं दान्दाराम बड'। बिनि बिफा। मुड मिस हाबिलासि बड'। आंनारो फिसाजोआ थाखो 9। गामियाबो बेनो। मतिराम बाबुआ सेनब्ला बड' आरो दान्दाराम बड' नजरबन्दी खालामनानै दोनबाय। थामहिनबा गावनि बिथोन मोनाब्ला बे थावनिखौ नागारनो मोना।

मतिराम बाबुआ सेंग्रा-बेंग्रा थिनहरनानै आन्सलिक बड' समाजनि आफादगिरि आरो नेहाथारि सानैखौबो लिंहोनानै लाइयासै।

सुंद'सल'

अनिल कुमार ब्रह्म

अखा नायसि थफेना मोनसे आरजाथारै सिमां नुदौंमोन।

खोमसि हर गेजेराव बियो बबेबा मोनसे गुदु हाग्रा गेजेरजौं थांफेरदौंमोन। ओजौं-हजौं फेसा गाबनाय, सियाल ह ब्रानाया खोमसि हर खौ गिथावसिन खालामदौं। थेवबो बियो आवगाय लांदौं। लामा ससेआव मोनसे दन्दर लामाजौं एरसोलावदौं गोथौनिफ्राय गोथौसिनार्य। एसेआवनो मोनसे सोदोबनि रिंखांनाया बिखौ बागदाव होयो। बियो गोर्जांसिउ मोनो। थादब्ला सोरबा हिनजावनि दुखु गोनां गाबनाया रिसारो, नोंसोर आंखौ निमाहा हो। दाया आंनि नड, मानोना आं ईस्वोरनि फिसा नडा। नोंसोर ईस्वोरनि फिसा। आंखौ रैखा खालाम। बे गुदु हाग्रायाव, खोमसि हर गेजेराव सोर जाखो हिनजावा, सोर गाबखो? गाबनाय जायगाथं नायस' हैब्ला बिनि मोगन नोजोरारव गोलैनायसै ससे हिनजाव दिन्दं फासि नांनार्य। एसेयावनो बियो सिरि मोनदौं। नुफेरा-नुफेरा मैया-मैया सिमां। गुदि गैया खिथा गैया मा ईस्वोरनि फिसा, ईस्वोरनि फिसा:सोर मानसिनि फिसा, सोर ईस्वोरनि फिसा? खैदाफोरसो जाबायगोन नामा? दा बेलासियाव खिन्था नांगौ जाबाय सिमांनि बाथाखौ बिथां जयन्तनो। मा सानगोन बि? हु-

लोगो लोगो बै समाव नुजाफेनाय राइज्यो-रजा, हौवा-हिन्जावफोरखौ लानानै बिसार खालामासै। थेंगोनाबिलो गामि न'ब्लां दरखंआव राइज्यो-रजाफोर थुबुर जाबाय। सानग्र' हायै मानसि। उसिग्लायलायनाय हौवा-हिन्जाव, सेंग्रा-सिख्ला बयहाबो मोनसेल' सान्नाय-मा खालामनो सान्दौं? मतिराम बाबुआ बै जुनात आखुनि साथामखौ आथिं-आखाय खाखर होनानै राइज्योफोरनि सिगाडव फसंनानै दोनबाय। राइज्योफोरखौ सिरियै नायनो आरो बिसोरखौ खोनासंनो खावलायबाय। राइज्योफोरा बयबो सिरियै खोनासंनो हमबाय।

नेम-खाथि मानिनानै आन्सलिक बड' समाजनि आफादगिरिखौ मेलखौ दैदेननो बिबान होबाय। मतिराम ब्रह्मआ जाथाइनि सोमोन्दै सेंग्राफोर खिन्थाफै नायखौ ए टु जेट बेखेवनानै होबाय आरो बिसारखौ माबायदि खालामनांगौ राइज्योनो हगारनानै होबाय। आफादगिरिया बे राइज्योनि मदत बिबाय। दे नोंथांमोनहा राइज्योनिफ्राय बुंहरदो-मतिराम बाबुआ सिगांथारैनो गावनो बुंबाय- दिनै जौनि बे थेंगोनाबिलो गामिनिनल' बाथा नड, जौनि बड' माहारिनि लेखा सोलौंफुनाय सेंग्रा-सिख्लाफोरा मवाइल आरो ड्रग्स सोबनो सोलौंनानै समाज बेरेखा बे-खाथि खामानियाव गोजोमबाय। बेखौ थारला गुबै फोजोबसांनांगौ। नडाब्ला माहारिया जोबसांलांसिगोन।

सासेया बुंहरबाय-दायनिगिरिखौ जेल खानायाव हरनांगौ आरो.....बिनि खोथा जोबस्ताबैयावनो ल' फरायनाय सासे फरायसाया बुंथेहबाय- जौं बिसोरखौ जेल खानायाव हरा।

दिनै बिसोरों फरायसा समाजआवनो निन्दा लाबोबाय। समाजयारि बिसार जौनि। बड' समाजनि। जौनि बड' समाजजौंनो बिजिरनांगौ। समाजखौ साबसांहोनार्यनि राहाखौ जौंनो खालामनांगौ। गोदोनिफ्राय बड' हारिखौ समाजआनो साबसांहोबोदौं। दिनैबो जौं साबसांहोनांगौ। आंनि बिसाराव समाज बेरेखा मानसिफोरा समाजआव थानो मोन्थाइ गैया।

गुबुन सासेया बुंबाय-दिनै जौनि समाजआव सुबुंखौ मोजां लामाजौं दोनो नख'रनि बिमा-फिफा, बिदा-बिबाजै आरो गामि आरो ओन्सोलखौ खांग्राफोर दड। बिसोरनि हाद्रि सारनानै जुनात आखुजौं सोलिदौं। बिसोरखौ देहा दण्डखौथ' होखानांगौ लोगोसे रं दण्ड फोनांनांगौ। आखेल दण्ड हिसाबै हिन्जावसा सानैबो 1 लाख 1 लाख आरो सेंग्राया हिन्जावसा सानैजौंबो आथोन खेलेंकारिनि जुनै आखेल दण्ड जयै 2 लाख जुस्मिना होनांगौ। दिनैनिफ्राय 7 साननि गेजेरावनो बे दण्डनि रांखौ होनांगौ। बे समाव मेलनि आफादगिरिया बुंहरबाय- दण्डफोरा बेनो जाथोंसै आरो..... लावगा नाजरीया गावनि दुइनली कार्टिजखौ लानानै फिसाला हास्थाइ नाजरीरिनि खाथियाव गसंहैनानै बुंबाय। आंहा फंसे बुंनांगौ दं। आफादगिरिया बुंहोबाय- दे बुंदो- लावगा नाजरीया बुंबाय- नों आंनि असे फिसाला। दिनै जौं गोबां खेब जाबाय ड्रग्स सोबनानै आरो हिन्जावसाफोरजौं आथोन खेलेंकारियाव गोलैनानै देहानि दण्ड आरो रं दण्ड होनांनाया। दिनैबो बे रोखोमसे दायआवनो गोलैबावबाय!

खोनासं राइज्योफोर, जौं

माबायदि पापिस्थ' मानसिया बे बुहुमाव थावनि गैया-बिबिद बुंनानै फेरेसे हगारो द्रा....व.... हास्थाइया जल्दब। स्त्रि। आरो अरायनि थाखाय ड्रग्स सोबनाय आरो आथोन खेलेंकारिनि दायनिफ्राय उदां जालांबाय।

बे समावनो रावबो मिबथिस्ताबा जासे सेनब्ला बड' आरो दान्दाराम बड' मोनहा बहाय गन्दाइ मोनखो गाव गावनि फिसाजौनि खर'माथायाव गोगोम गोगोम होफैबाय। फेफ्रा फेफ्राजौंनो मिस हामब्लाइग्रा बड' आरो मिस हाबिलासि बड'मोनहाबो जल्दब आरो स्त्रि। बिसोरखौ अरायनि थाखाय हास्थाइ नाजरीजौं लोगोसे आगान सुरफालाडासै।

राइज्योफोर 1 बुंसोलाइबाय- समाजआव बिसोरों बायदि गोसोम बार बाहोराफोरा बिबिनो खोमसि-दरसि गोसोम राइज्योआव थाहैजोबथों।

फोरमायै सिमां

हा मिनिगोन? नाथाय जयन्तखौ मखब्लानो थफेननि गोसोआव अनजालुनि सावगारि आ जाखांफेयो। दासान्दि सानैखौ लानानै गोबां सल' ओंखारदौं जे जायगायाव। जयन्त आरो अनजालि, अनजालि आरो जयन्त। जुलि जाबाय बायोब्ला समायथारगोनबो सानैजौं।

गंसे गोर्जो फरायसालिनि फोरोंगिरि जयन्त। मानसिआ जायगानि नड। सहराव न'भारा लानानै हासिडैथायो। बेवहाय बोसोरनै थाफ्रामबाय। गावनि नआ सहरनिफ्राय गोजानाव नड। बि. ए. फेल जानाय बेकार सेंग्रा थफेना सहरावनो हलि-गलि खालामबाय थाग्रालाय थावनो जयन्तजौं सिनायज्जायदौं। बाडाया समनि गेजेरावनो सोमोन्दो गोनां जालांदौं। गुलि-गुलि। गाव सावसुब खुगा गेबें खायनो बियो हौवा हिनजाव, बोराय बुरै बयजौंबो गोमोन जानो हायो। बेखायनो संसाराव जानाय जाथायफोरनि गोबांफ्राबो बिनि खोमा फारनैआव थोंजौंनो हाबफेयो। आरो अनजालिआ गामिसेनि गोजानै खुरमा जानाय सोमोन्दोआव गावनि बिबानाव। देग्लाय जि थाखोआव फरायो। बेखौनो तिउसन लादौंमोन जयन्तआ सानखाथिआव। गावनो रायज्जायना थिय खालामदौं। नायनो मोजां सेंग्रा

थिनहरनाय मानसिफोरनो मन्थि-मनला, एमएलए एमपि जानानै सरकार दादो, आइन दादो। बिसोर दानाय आइन बायदिनो सरकार बेरेखा जानानै दायगिरि जायोब्ला बिसोरनो फासि होनानै बुथारो। बिसोरहा इशोरनि बेरेखा हाबा मानसि बुथारनो मोन्थाइ दंब्ला जौंहाबो-आंहाबो मानसि बुथारनो मोन्थाइ दं। जौं गाव गावनि फिसाखौ सरकारनो गसर होनानै गथाइनानै बुथारहोयो। जौंबो, आंबो जौनि फिसाखौ दाय मोनोब्ला बुथारनो हायो। बुथारनार्यनि मोन्थाइ जौंहाबो दं। समाजआ फोनांनाय गासैबो अर्थ दण्डखौ आंनि फिसाया बहा मोन्नो आंनो होजोबगोन।

फिसाला हास्थाइनि नाथांखियाव दुइनली सिलाइखौ थुनानै बुडो-आफा हास्थाइ जिउआव नों मा लुबैदौं? ना बिबिदो थानोसै? फिसाला हास्थाइया स्त्रि। दाद्रि होनानै सोडो- बुं- मा- लुबैदौं? फिसालाया स्त्रि।

नोंबायदि पापिस्थ' मानसिया बे बुहुमाव थावनि गैया-बिबिद बुंनानै फेरेसे हगारो द्रा....व.... हास्थाइया जल्दब। स्त्रि। आरो अरायनि थाखाय ड्रग्स सोबनाय आरो आथोन खेलेंकारिनि दायनिफ्राय उदां जालांबाय।

बे समावनो रावबो मिबथिस्ताबा जासे सेनब्ला बड' आरो दान्दाराम बड' मोनहा बहाय गन्दाइ मोनखो गाव गावनि फिसाजौनि खर'माथायाव गोगोम गोगोम होफैबाय। फेफ्रा फेफ्राजौंनो मिस हामब्लाइग्रा बड' आरो मिस हाबिलासि बड'मोनहाबो जल्दब आरो स्त्रि। बिसोरखौ अरायनि थाखाय हास्थाइ नाजरीजौं लोगोसे आगान सुरफालाडासै।

राइज्योफोर 1 बुंसोलाइबाय- समाजआव बिसोरों बायदि गोसोम बार बाहोराफोरा बिबिनो खोमसि-दरसि गोसोम राइज्योआव थाहैजोबथों।

फोरोंगिरिफ्रा मिनिफुं होगारनार्यखौ थफेनहा नोजोर दं। नाला मोनाब्ला खौराडा एरेनोबो बिरफुडा। अनजालिआ गावनो बुंनानै लादौं।

बेलासियाव। मा नोंथां, मात्तार बाबु, मा खबर? मात्तार मानसिया मा खबर थाबावनो? बेनोसै, जानाय-लौनाय आर थाल्या-फैलाय।

मानो? बे लाभ-लसनि बाथायालाय? माथो नोंथांनि सात्तिनि बिमा बिफाया नोंखौनो खोब अनसो गारोने? अनोथ' अनो। नाथाय जायनिफ्राय मोनांगौ बिनिफ्राय अन्नाय मोनाब्ला अनजानार्यनि बेसेना बहा?

आरो बावदा! फिसानि खाथिराव बिमानि गोर्दैन। बिमानि गोसोखौ गलि होनो हाबायब्ला, फिसाखौ आर मा बोलो? फिसाआ बिमानि आफाखिसो। आफकर्स' नंद्रायै नड नोंनि आर्गुमेंन्तआ। नाथाय खाफाल दाखुरा जौं। जौंखि अनजालि बायदि सिख्लानि सेराव गसंदेरफानो समायो? मालाय इयुन दं, कलेज फरायगोन, डाक्टर-ईन्जिनियार-अफिसार फिसाय मोनगोन।

दोन-दोन नोंथांनि खोथाया। सोर साबेसे बर'हिनजावफ्रा डाक्टर-ईन्जिनियार-अफिसार फिसाय मोन्दौं? आरो जयन्त, अनजालिया दहाय आंनाव फेदौंमोन गावनो मोनसे टप सिक्रेट फोरमायलांदौं।

मा फोरमाया? जयन्त नोंथाड फोथाय, बेफोर फोलानाय नड। गाव बुंथिनो (□ 4 बिलाइआव)

कमलनाथनि भारत जड़ न्याय यात्रायाव बाहागो लागोनआ रोखा जाबाय

गोदान दिल्ली, 21 फेब्रुवारी: मध्य प्रदेशनि राजखान्थियाव कमलनाथखौ बिजेपिआव जइन्ट जागोन होन्ना आसा खालामनाया मंगलबारखालि रोखा जायो, जेब्ला कमलनाथआ भारत जड़ न्याय यात्राखौ लानानै खालामनाय जथुम्मायाव बाहागो लायो। मख'जाथावदि, माखासे सान सिगानिफ्रायनो कमलनाथखौ बिजेपिआव जइन्ट जागोन होन्ना आसा खालामनाय जादोंमोन। खौरनि बादिब्ला, मध्य प्रदेश राज्ज्यो कंग्रेस मावख'आव मंगलबारखालि भारत जड़ न्याय यात्राखौ लानानै मोनसे जथुम्मा खुंनाय जादों। बे जथुम्मायाव बारग' गिबि मन्थि कमलनाथआ




भार्चुएली बाहागो लायो। बिथानि अनगायै जथुम्मायाव दिगभिजय सिंहआबो बाहागो लादों। बारग' गिबि मन्थि दिगभिजय सिंहआ भार्चुएली जथुम्मायाव बाहागो लानानै बिबुथियाव बुडोदि, थानाय सानफोराव जाबादि खुवा खुंदोंमोन बेयो कमलनाथनि

जथुम्मायाव बाहागोयावि जानायजों सां जालांबाय। बेरफासं कमलनाथआ भारत जड़ न्याय यात्रानि लामा, थथ'नायनि जायगा, जानाय-लौनाय आरो हान्था-मेला बेबस्थानि बागौ राज्ज्यो कंग्रेसनि बिबानगिरि जितेन्द्र सिंहनिफ्राय खौरां बिहरदों। बिथाडा जितेन्द्र

सिंहनाव बेफोरनि आबुं खौरांखौ मिथिहोनो बुहन्नायजों लोगोसे बेयाव गावनि बाहागो लागोनखौ बुथियो। मख'नो गोनदि, बे जथुम्मायाव मध्य प्रदेशनि कंग्रेस दैदेन्नायाव सोलिगासिनो थानाय भारत जड़ न्याय यात्राखौ लानानै गुवारै सावरयो। लोगोसेनो बारग' मन्थि प्रियब्रत सिंहआ यात्रानि लामा आरो बेबस्थानि बागौ जथुम्मायाव खौरां हेंदों। कंग्रेसनि भारतनां खालामनाय भारत जड़ न्याय यात्राआ राजस्तानसिम सौहैबाय आरो बेनिफ्राय 2 मार्चखालि मध्य प्रदेशआव हाबहैगोन।

पाकिस्तानआव सरकार दानो थाखाय पिएमएल-एन आरो पिपिपिआ रदाइ खाबाय

इस्लामाबाद, 21 फेब्रुवारी: पाकिस्तानआव मंगलबार हर थौजासिम सरकार दानायनि थाखाय नवाज सरिफनि पार्टि पिएमएल-एन आरो बिल्लावल भुट्टु जरदारीनि पार्टि पिपिपिनि गेजेराव मोनसे रदाइ जानानै थाडो। रदाइ बादियै नवाज सरिफनि पार्टिनि गाहाइ सहवाज सरिफआ गाहाइ मन्थि जागोन आरो बिल्लावलनि बिफा आशिफ आली जरदारीआ फिन खेबसेबाव हादरगिरि जागोन। बे थांखिखौ मोननैबो पार्टिनि जुथाय प्रेस कन्फारेन्सआव फोसावनाय जादों। थांखि फोसावनाय समाव सहवाज सरिफआ बुंदोंदि, जेंनाजों



बुंफबनाय बे लामायाव आवगायलानायनि थाखाय बिबान मोन्नायनि मोनसे खाबु। बे लामाजों थानानैनो पाकिस्तानखौ रैखा खालामनांगौ। हादरखौ फिन खेबसेबाव गावनि आथिडव गसंथाहोफिन्नांगौ। बे लामायाव आवगायलानायाव बिथाड बयनिफ्रायनो हेफाजाब मोन्नो हास्थायदों। अदेबानि पाकिस्तानआव नवाज सरिफनि पार्टि पिएमएल-एन आरो बिल्लावल भुट्टु जरदारीनि पार्टि पिपिपिनि गेजेराव सरकार जानो थाखाय गनायथिलायदों ब्लाबो

खुंथायाव शेयारिं एबा बाहागोयावि लानायनि सायाव जोबथा थांखिसिम सौहैनो हानाय जायाखैमोन। गासै मोन 5 खोलोबनि सावरयनायनि उनाव मंगलबार हराव बे मोननै दोलोआ माखासे गोरबथानि गेजेरजों थांखिसिम सौहैयो। मख'दाथावदि, पाकिस्तानआव बिसायख'थिआ 12 सान बारलांबाय। नाथाय सरकार दानायखौ लानानै जेबो थि थांखि लानो हानाय जायाखै। बे समावनो गेनाखांथि खालामनायनि दाय जाबसिनानै इमरान खाननि पार्टि पिटिआइ आरो गुबुन माखासे दोलोफोरनि

हेंथाय धर्ना होनायाबो सोलिगासिनो दड। पिटिआइआ गाहाइ बिसायख'थि कमिसनारखौ बिबान नागरनो दाबि देखांदों। सुप्रिम कर्ट आरो हाइकर्टआव बिसायख'थियाव गेनाखांथि खालामनाय केसनि सायाव हियारि होनायाबो जागायबाय। फेगौ 29 फेब्रुवारिनिफ्राय जागायनो गोनां नेसेनेल एसेमब्लिनि जथुम्मायाव सा 133 सोद्रोमाफोरनि हेफाजाब मोन्नो हानाय जुथाय हान्जायानो सरकार दागोन। बयनिखुइबो देरिसिन दोलो महैरि पिएमएल-एनआनो सरकार दानायनि फारिआव बयनिखुइबो सिगांसिनआव दड आरो बेयो सहवाज सरिफखौ गाहाइ मन्थि मासिनि बिजाथि महैरि फोसावदों। बेनि अनगायै बेयो सा 54 सोद्रोमा गोनां पिपिपि आरो सा 17 सोद्रोमा गोनां एमकिउएमनिबो हेफाजाब मोन्नो हादों। बेनि गेजेरजों नेसेनेल एसेमब्लिआव सहवाज सरिफआ खुंथाय खुंनो मोनगोनखौ रोखा होन्ना हमदनाय जादों।

अप्प'आ एफ-25 प्र 5जिखौ थाबैनो लन्च खालामगोन

गोदान दिल्ली, 21 फेब्रुवारी : थानाय माखासे साननिफ्रायनो अप्प'आ गावनि भारतीय ग्राहकफोरनि थाखाय एफ-सेरिजआव गोदान फन लन्च खालामनो हागौ होन्ना सावरयनाय जादोंमोन। बेनि सायावनो मोनसे गोदान आपडेट सफेदों। कम्पानीया भारतीय बाजारवाव अप्प' एफ-25 प्र 5जिखौ लन्च खालामनो थांगसिनो दड। कम्पानीया बे फननि लन्च खालामगोन अक्टखौबो थि खालामबाय। अदेबानि अप्प'नि गोदान फनआ सोलिफु दानावनो लन्च खालामजागोन। कम्पानीया



अनलाइन सफि वेबसाइट एमाजनआव बे फननि माइक्र साइट डेभलप

खालामदों। बे माइक्रसाइटआव अप्प' एफ-25 प्र 5जिखौ 29 फेब्रुवारीयाव लाबोनायनि खौरां

मिबथिहोनाय जादों। अप्प' एफ-25 प्र 5जिनि लन्च खालामनो गोनां अक्टजों

लोगोसे फननि डिजाइन आरो मा मा गावआव बेखौ मोनगोन बेनि खौराडबो सोराडव फेदों। बे फनखौ 5-हल डिस्प्लेजों लोगोसे लाबोनाय जादों आरो फनखौ फिंगर प्रिन्ट सेन्सरजों लोगोसे लाबोदों। कम्पानीनि आपकामि डिभाइसखौ मोन्ने गावआव मोन्नो हानाय जागोन। मेरुन आरो लाइट ब्लू बे मोन्ने गावआव अप्प' एफ-25 प्र 5जिखौ मोनगोन। रिपर्टनि बायदिब्ला अप्पनि बे फनआ अप्प' रेन' 11 एफ 5 जिनि रि-ब्रान्डेड भार्जन जानो हागौ। अप्प'नि बे फनआव 6.7 इन्सिनि एमलेड डिस्प्ले, एफएइचडि+रेज्युल्युशन, 120 हार्ट्स रिफ्रेस रेटजों लोगोसे फिसार्चफोरखौ मोनगोन। अप्प'नि गोदान फनआव 8 जिबि एलपिडिडिआर 4X रेम आरो 256 जिबि इउएफएस 3.1 स्ट्रेस मोनगोन। फारसेथिं 5,000 एमएइच बेटरि आरो 67 डब्लिउ फास्ट साजि फिसार्च मोनफागोन। बेवहाय 32 एमपि फ्रन्ट आरो 64एमपि+8एमपि+2एमपि बेक केमेरा मोनगोन। अदेबानि अप्प'नि फारसेनिफ्राय फेनो गोनां फननि स्पेसखौ लानानै अफिसियेल खौरां फोसावनाय जायाखै।

रासिया-इउक्रेननि गेजेराव जानाय दावहानि जेंना सुस्त्रानायाव भारतआ बिफाव लागोन: एस जयशंकर



गोदान दिल्ली, 21 फेब्रुवारी: गुबुन हादरारि मन्थि एस जयशंकरआ इसारा होदोंदि, गोनांथि जायोब्ला भारतआ रासिया आरो इउक्रेननि गेजेराव जानाय एना-एनिफोरखौ सुस्त्रानो थाखाय गेजेरारि बिफाव लानो थियारि। बिथाडा बेखौबो रोखा खालामदोंदि, भारतआ बे आयदायाव हासिडे सिगानाय नड। सुलुनि बादिब्ला, फेब्रुवारि 2022 माइथायाव रासिया-इउक्रेन एना-एनिनि गेजेराव गेजेरारि सानजानाय भारतनि गोहो जगायग्राफोरा पेट्रिलियम दिहुन्थायफोरनि जगायनायनि थाखाय इउरपखौ गाहाइ नोजोर

होदों होन्ना शंकरआ बुडे। इउरपआ बेफोर दिहुन्थायफोरनि थाखाय बांसिन रां होदों। बेबादि थासारिआव भारतनि आखाइयाव रासियानि गोथां थावखौ बायनायनि अनगायै गुबुन जेबो रहा गैयामोन। जयशंकरआ बुंदों, भारतआ रासियाजों गावनि रांखान्थियारि सोमोन्दोखौ फेहेदों। बिथाड बुंदोंदि, रासियाआ माक्लाबाबो भारतनि मुलाम्फाखौ सिफायनाय जायाखै आरो दरनैबो हादरनि गेजेराव बाइजोयारि सोमोन्दोआ दिदोम आरो लोगोयारि। गुबुन फारसे चीनजों राजखान्थियारि आरो

रौनिया सोमोन्दोआ जेबो जुनिया नड। जयशंकरआ बुंदोंदि, भारतआ इउक्रेन दावहाखौ फोजोबनो थाखाय नांथाबदों। बयबो बे दाड-बाजिखौ लानानै जिगा सिदों। आं मिथियादि, दाडाबाजिखौ माबोरै फोजोबनांगौ। इउक्रेनआव रासियानि सांथि हान्जाया आखाइ होनायनि उनावबो रासियाजों सांथि थियारि सोमोन्दोनि बागै सौनायाव जयशंकरआ बुंदों, जारिमिनखौ नायोब्ला रासियाआ माक्लाबाबो

जोंनि खहा खालामाखै। रासियाआ इउरप, आमेरिका, चीन आरो जापानजों लोगोसे सोमोन्दो लाखिनायाव जौगानायाव जापुनायखौ नुनो मोन्दों। भारतआ रासियानि गोथां थाव बायनायखौ थार होन्ना बुडे मन्थि शंकरआ। बिथाड बुंदों, जेब्ला इउक्रेनआव दावहाया जागायजेनो अब्ला इउरपआ गावनि गोहो बायनायनि मोनसे गेदेर बाहागोखौ गेजेर सान्जायाव सोलायदोंमोन, बै समसिम बियो भारत आरो गुबुन हादरफेरनि गाहाइ जगायग्रामोन।

म्युसुएल फान्डआव 46.7 लाख इन्वेस्टफोरा सरजाबफादों

गोदान दिल्ली, 21 फेब्रुवारी: म्युसुएल फान्ड उद्यगआ जानुवारि दानआव 46.7 लाख इन्वेस्टफोरनि एकाउन्टजों सरजाबफानानै आरोबाव गिदिरिसिन जानानै फेदों। बेनि आन्दोआव म्युसुएल फान्डनि बागै सुबुंफोरनि गेजेराव सांग्रांथिआ बांबोनाय आरो डिजिटेलनि गेजेरजों लेन्डेन



खालामनाया गोलैसिन जाना फैनानायो गाहाइ बिफाव लादों। जानुवारिआव खुलिनाय म्युसुएल फान्डनि गोदान एकाउन्टफोरनि अन्जिमाया 2023 नि जौखोन्दो दानयारि अन्जिमानि रुजुनायाव नैगुनिबो बांसिन जादों। थानाय बोसोराव दानफोमबो 22.3 लाख एकाउन्ट खुलिनाय जादोंमोन। म्युसुएल फान्ड उद्यगनि फसंथान एस'सिएसन अफ म्युसुएल फान्डस इन इन्डिया (एम्फि) नि फारसेनिफ्राय फोसावनाय अन्जिमा बादिब्ला, एकाउन्टफोरनि अन्जिमाया बांनयजों उद्यगनि म्युसुएल फान्ड एकाउन्टफोरनि गासै अन्जिमाया 16.96 कौटि जाहैबाय। बेयो 1 बोसोर सिगां रैजिस्टर जानाय एबा खुलिजानाय 14.28 कौटि एकाउन्टफोरनि रुजुनायाव 19 जौखोन्दो बांसिन।

डिसेम्बर 2023 आव थिसनजानाय गासै 16.49 कौटि एकाउन्टफोरनि रुजुनायाव जानुवारि 2024 आव बे अन्जिमाखौ 3 जौखोन्दो बांनय नुनो मोन्दों। ह्वाइटअक म्युसुएल फान्डनि गाहाइ फालांगि बिबानगिरि प्रतिकपन्टा बुंदोंदि, डिजिटेलि पेमेन्ट बायदि डिपजिट आरो पस्ट अफिस सैथिं यजनाफोर बादि रांखांथि सुबिदाफोरनिफ्राय दोरोदनां नोजोर होनो थुलुगांखौ होदों। म्युसुएल फान्डआव गोदान इन्वेस्ट खालामनायफोरनि गेजेराव गोदान जोलैनि एबा लाइमोनफोरनि अन्जिमाया गोबांसिन। बांसिन गोदान इन्वेस्टफोरा म्युसुएल फान्ड फोथाराव हाबनो थाखाय डिजिटेलि सेनेलफोरनि लामाखौ आजावदों।

दिल्लीयाव राइसिना जथुमाया जागायबाय

हेलसिंकी, 21 फेब्रुवारी: गाहाइ मन्थि नरेन्द्र मदिया दिल्लीयाव खुंनाय राइसिना डायलगनि 9थि जथुमाखौ बेखेवगोन। बे जथुमाखौ दिल्लीयाव 22 फेब्रुवारिनिफ्राय खुंफुनाय जागोन। ग्रिसनि गाहाइ मन्थि किरियाकस मिक्सताकि सआ बे हाबाफारियाव गाहाइ आलासि महैरि बाहागो लागोन। सांथामनि हाबाफारिजों खुंनाय राइसिना सावरयमेलआव मिरुनि मन्थि, बारग' हादतनि गाहाइ बिबानगिरि आरो सरकारफोरनि गाहाइ बिबानगिरि, सांथि कामान्दार, उद्यग मुलुग आरो गोनोखोनि गाहाइ बिबानगिरिफोर, सोलौंथाइ, खौरांगिरि आरो सोलो-खांथियायारि आयादफोरनि जर्'खागिरिफोरजों लोगोसे दर 100 नि बांसिन हादतफोरनि थादैफोर बाहागो लागोन। बे जथुमायाव बाहागो लानो थाखाय फिनलेन्डनि गुबुन हादतयारि मन्थि एनिना वाल्टननआ साननैनि



हाबाफारिजों भारतआव दावबायफेदों। बिथाड दिनै भारतआव सौफैबाय आरो राइसिना डायलग 2024 आव बाहागो लागोन। मोनसे मावख'यारि फिन्नायाव बिथानि भारतआव सफैनाय आरो जथुमायाव बाहागो लागोन खौरांखौ मिबथिहोदों। बेनि अनगायै बिथाड नर्डिक आरो वाल्टिक मन्थिफोरजों लोगोसे वाकि लन्चआव भारतनि गुबुन हादतयारि मन्थि एस जयशंकरजों लोगो हमगोन। फिनलेन्डनि गुबुन हादतयारि

मावख'आ मोनसे फिन्नायाव बुंदोंदि, बिसोरै हादतनि गेजेराव थानाय सोमोन्दोफोरनि आथिखालनि थासारि, इयुनि हेफाजाबनि खाबुफोर आरो सरासन्धा मुलुगनां थाखोनि आयदाफोरनि सायाव सावरयगोन। राइसिना डायलगनि समाव गुबुन हादतयारि मन्थि वाल्टननआ आर्कटिक हेफाजाबनि सायाव मोनसे गोजू थाखोनि पेनेल जथुमा आरो रैखाथि खांथिनि सायाव मोनसे जथुमा खालामनायावबो बाहागो लागोन।

No. CHR/PWD(R&B)/IFB/AD/2023-24/01 Dated Kujalgaon the 21/02/2024
TENDER NO. 3/01 OF 2023-24
PRESS NOTICE INVITING TENDER

The Executive Engineer, PWD, Chirang (R&B) Division, Kujalgaon invites bids on behalf of Governor of Assam for 1 (One) No. of Balance work under this Division project under Assam Darshan for the year 2019-20 under Biji LAC in Chirang District (Approx) amounting to Rs.48.36 Lakh (Rupees forty eight lakh thirty six thousand) only from the registered contractors of Class-III, II & I (A, B & C) category of Assam PWD (Roads)/BTC. Details may be seen at website <http://assamtenders.gov.in> and also in the office of the undersigned during office hours.

The Press Notice will be a part of the Bidding Documents.
Note: N.I.T Value is inclusive of GST, Labour cess etc.

Sd/- (Abani Sarma)
Executive Engineer, PWD,
Chirang (R&B) Division, Kujalgaon.

IPR(BTC)-2023-24/1437

No. BTIDCLMD/Est-1/2022/40 Dtd.21/02/2024
SITUATION VACANT

Bodoland Trade and Industrial Development Corporation Ltd. (BTIDCL) is inviting applications from interested candidates for filling up of the following posts on contractual basis for 1(one) year.

Sl. No.	Positions	No. of vacancy	Monthly remuneration	Experience required
1	Assistant Manager	1(one)	Rs. 40,000.00	3-5 years
2	Business Development Executive	2(two)	Rs. 30,000.00	Below 3 Years

For qualification, experience and other details please visit website:
<https://www.investbodoland.in/careers>

1) Only online application will be entertained.
2) Last date of submission of Application is 04/03/2024.

Sd/-
Managing Director, BTIDCL.

IPR(BTC)-2023-24/1435

बर बिमा

आय' बर' बिमा
मादि दुखुथिया खाफाल नॉनि
खांदों नोडे जॉखौ
अनसुलि बिमा महरै आलो-आलो।
जोनोम होदों बर'नि गेजेराव
बिर जोहोलाव-जोहोलावजो
दैमालु, सोमदोन, बिरगोमि सिख्लामोन.
नाथाय दुखुथिया नॉ बिमानि जिउ
गैया दिने बर'नि गेजेराव
अन्नायनि सोलाय अन्नाय होग्रा बर' फिसा।
नॉ बिमानि अन्नायव सोरजिनाय
डिमापुर, माइबां, खासपुर
गोमालानो हमदोंसे बर'नि नेसोन।
गारनो हमदोंसे दिने बर'फोरा
आंगोन राव, हारिमु, गान्नाय-जोमनाय,
दं दिने जॉनि गेजेराव साबेसे
बर' बिमानि मुडव गावखौ बावसोमग्रा
आय' बिमा दुखुथिया जिउ नॉनि
मा दायनि साजा मोनखो नोडे
दिने मानो गोबां बर' फिसाफोरनो
गावनि सैथो सिनायथि होनायाव लाजिखांखो
आय' नॉ बर' बिमा!

मिच सन्दना ईसलारी
गामि: घरामारा
जिल्ला: चिरां

आंनि सिमां

रोजाबनाय दाव मैनानि बादि
बेसेदि मिलौदो रावमोन नॉनि
बिरहानाय सिखिरि बादि
बेसेदि समायनामोन नॉनि महर मुस्रिआ
समायना बिबार बागान बागान
बेरायनो लासै लासै थाबायलांदोंमोन।
जिरि जिरि बोहैनय दैमा सेराव
जिराय हैदोंमोन, दानदिसे उनाव
नाथाय हरखाबनों बबेवबा
आंखौ नागारना गोमालांदोंमोन।
सानदोंमोन आं अब्लाबो-
दं जानांगौ बबेवबा खाथियावनो
बेखायनो नागिरदोंमोन
नाथाय खाथियाव गैया नॉ,
नॉनि मुंखौ मखना गाबजिदोंमोन
आरो गोबां राव होनाय।
लोगो लोगोनो आं सिरि मोनखांबाय
बबेयाव दं थाल खालामबाय,
अब्लासो आं आन्दाज मोनबाय
दोंसे सिमांसो उन्दुनाय समाव नुदों।

मिच क्लारा खालारी
आमलाइगुरि
गामि- हालांजावर

फागुन

निरन्जन बसुमतारी
गहपुर, नतुन सनाफुर

आय' फागुन नॉ माब्लाबानो
समायबाय सोमलि बिबारजों
माब्लाबानो गोरान रानस्त्राव-स्त्राव।
आयु! दसेनो बहानिफ्रायबा बार
सिमब्रे बोलाबायदों सिउ-सिउ
बुबथि-बुबथां बिरखारला-बिरखारलि।
हनै! माब्लाबा थिं-थिं सान्दुं,
हाहां-हायाहां दुबुदबुद।
बैसागोनि गावगोनो महर होनो
दालायाव गोरान बिलाय
गोदान गोरलै बिलाइ बरायनो
नॉ लाबोबाय सोलायनाय।
नॉ फागुन माब्लाबानो
बुहुमनि बिखायाव फैलाइबाय।

गजल खन्थाइ

गोसो थोनायजों नेवसि जानाय थाखाय
गोसो थोनायनि खन्थाइ रेवबाय
जेराव नेवसि जानाया
बे जिउवाव फोरोंबाय
गोसो थोनायनि खन्थाइगिरि
जानो थाखाय मिजिनाय
नडामोनबा जानो हानाय नडामोन
गोसो थोनायनि खन्थाइ सोरजिनाय

रैदोम बर',
माजदिया, बगुलामारि, बाक्सा

दोंब्रै लिमारिक

1
बंसि दरमानिलाय आगै निलिमामोन
नॉनि महरालाय हायलोलो नायनो समायनामोन
गोसो थोयोमोन आं नॉखौनो सिरि सिरि।
राइज्जाइयोमोन सानैजोंनो सिरि सिरि।
2
रावआ नॉनि बेसे गोदै गोदैमोन
नाथाय नॉनि गोसोआ सालुमोन
आंखौ नागारनानै जानो सानबाय सुखुनि संसार
दा नुबाय आं दुखुनि संसार,
3
हाबु नांसि नांसि दखना फैखोनाय
बेलाव बासि बासि आथिं थिखोस्लिवनाय
आगै निलिमानिलाय माय गायनाय
खारखोलाय खारखोलाय बेलाव गिनाय।
4
आंखौ बयबो बुडे रामोन्दा
हिनजाव मोननो रोडे बालन्दा
रं नाम्बार रायज्जायोमोन
30 बोसोरनि बोराय बुहरजायोमोन।

मिस प्रनय बसुमतारी
जिल्ला- कक्राझार
गामि- ज जल्लाइगाव

रंजालि गथ'फोरनि सौरा

खोमानि अलंबार

बे फैलाव गुवार बुहुमाव
आं सानदोंमोन गावनि जिउखौ लाना
नुवाखेसै आं सुखु सोरगिदिं मुलुगआव।
सानानैबो सानसनो हाला गोसो आंनि
खोमसिनि मुलुगआव आं लामा आन्दायबाय
गैला दिने जिउआव अराय सुखु
नागिरबाबो मोनाखे माथो आं सोरां लामा।
नाथाय सोर जाखो नॉ अनजालिया?
होफेबाय माथो नॉ जिउआव सोरां
नुनो मोनबाय दिने रैरुब मिथिगानि महर जिउआव
नॉनि रैसुमे गारांजों रायदाव फैनायाव
सुथि मोनबाय आं दिने अरायनि थाखाय
नॉनि आखायजों बिलिर फैनायाव
बुप्रांलांबाय जिउनि गोसोम जोमैआ।
नॉ अनजालिखौ गोरबोजों बजबनानै
आवगाय लांगोन आं मोगथां मुलुगआव
लाबोगोन बरायनानै समायना जिउनि डेरा
बिलायनानै होगोन बयनिबो गेजेराव अननायनि दैमु
खोमसि जिउनि नॉ अलंबार
मा होननानै फोरमायबावनो आं नॉनो
नॉदि आंनि अरायनि हेफाजाबगिरि
खावलायोल' आं सिगांआव
जॉनानै था आंनि अखरांआव नॉ अरायनि थाखाय।

रबिराम स्वर्गीयारी
फरायसालि- भालुक दंगा बिधा मन्दिर गोजू फरायसालि
ला:सो:- मेदाघाट
जिल्ला- बागसा बि टि सि आसाम।

उदांस्रिया बयनिबो

समान मोनथायनि समान उदांस्रि
दंबयहाबो बुहुमाव जोनोम मोनानै
रावबो खमसिन बांसिन नड,
जों बयबो रोखोमसेयैनो
मानसि माहारिसो।
जॉखौ गोरा दौलेंजों
रावबो खाबथानानै लाखिआखे
गोनांथि गैया गावजोंगाव
दावराव दावसि, एना-एनि जानायनि।
दानि बे बुब्लियाव
बिदिन्थाया जॉनो दिन्थिआखे,
दरजा खोरखि गैये न'आव
एरसोनानै थाबाय थानो।
जोनोमखौ लादों जेब्ला-
मानसि माहारिनि महरैनो
मावनांगौ हाबाफोर दं जॉहा जिउजोबजासिमाव,
साग्लोबनानै दं मानसि माहारिजों
मावजानांगौ बुहुमाव गोबां हाबाफोर।
गुलाय-गुजाय खामानिखौ
स्र' थख-थख खालामलांगोन,
गोबां हारि-हारिसाफोरनि गेजेराव
गोरोब लायनानै जों खौसेयै थालांगोन-
गंसे मम बाथिनि सोरांखौ जों
बर' माहारियावबो लगायनांगोन
बिर ग्लांगोन जॉबो उदां दावफोरबायदि
नाथाय, फानजारि सिडव नड।
गादबनानै दा दोन जॉखौ
जॉबो गाम्बारी सिख्ला, बिरगोमि सिख्ला
डिसु सिख्ला मोनबादि बिमा माहारिनि।

मिस रैरुप बसुमतारी
ड.एन. एकाडेमि
जिल्ला-कक्राझार

नों सैबा दासै आंखौ

नों सैबा दासै आंखौ
आं नॉखौनो मोजां मोनगोन
नों मोजां मोनबा दामोन आंखौ
आं नॉखौनो गोसो थोयो।
आंखौ नुब्ला मानो नॉ
एसेबां मानि सैया सैया खालामो
अनजालि ना आं मानसि नड नामा।
आंखौ लामायाव लोगो मोनब्ला नॉ
मानो नाइख्लेंनानै थाडे
हाजारखि नाइख्लेंनानै थाड मानो
थेवबो सना आं नॉखौनो मोजां मोनगोन
नों सैबा दासै आंखौ।
नाथाय आं नॉ अनजालिखौनो
जेसेदिन आं थाना थगोन
एसेदिन आं नॉखौनो गोसोथोगोन।
बिनानाव जेसेबांखि नॉ मुगैया मानो

हांमा दादोनलां

आंखौ नॉ हांमा दादोनलां सना
आंखौ नॉ हांमा दाख्लामलां
दुखु दाहा हांमा समाव
नुयोबोला सना नॉखौ बारनाय समाव
स्रां गोजोन मोनो अमबासि दुखु जिउआव।
आय' बारनाय नॉ समायना गलाब बिबार
मा मैया माया महरा नॉनि
हायना गोनां मुजिनाय नॉनि
अन्थाव-खुदुमथाव,
बिखायाव अराय बज'बना लाबाय थाथाव-थाव
नाथाय मा माया जिउआ नॉनि
अराय सम थाबाय थाया दान्दिसेनि
दुखु नांथाव बोदोर जाथाव
नॉनि बे बायदि दिनेनो बारनाय
गाबोन्नो ज्रय सिरिलांनायाव।
फुं बिल्लिन सान जारा समाव
गावलां-गावथां बिबाराव
बेरे सिखिरिआ बिरबायनानै नॉनि बिखायाव
बानानै बिदै सोबो जेब्ला
मिथिया सना दं आं बबेयाव अब्ला।
आय ! ओइ गलाब बिबार सना
बारनानै नॉ दा सिरिलां
आंखौ नॉ हांमा दादोनलां।

रहिला बाला बसुमतारी
वासवारी
ला:सो:- बिशपुरी
जिल्ला- कक्राझार (बि.टि.सि.)।

बे जोनोभाव

सानबायमोन गोसोआ आंनि
नों रजेखौनो जुलि लानो।
नों रजेजोंनो आंनि
जिउनि दिङखौ जावगारलांनो
सानाखिसैमोन बे जोनोभाव
गुबुन अनजाली नाइगिरनो।
नों रजेखौनो आंनि गोबांया
अराय समनि थाखाय बोजबबायमोन।
नाथाय बियो आंनि गोसोनि कलप'नासोमोन।
मोकथाडव आं बै रजेजों
गोबां बोसोर मोजां मोनलाय बोदों
गोसो थोलाय बोदों।
मेगनजों मेगन गोसोजों गोसो।
सानफ्रोमबो नुलायोमोन ब्लाबो
सानफ्रोमबो रायज्जायोमोन ब्लाबो
खुगायाव सानैजों गैलायामोन
मोजां मोनयायनि गोसो थोनायनि राव।
आंदि बै रजेखौ बेसेबांदि
गोसो गोथारे मोजां मोनबोदों
गोसो थोबोदोंमोन
नाथाय बेखौ रावबो मोनथिया।
गसाइनाव आरज गाबोमोन आं
नों आंनि मोजां मोनलायनाया
गोसो थोलायनाया।
अराय सम गोसो सिडव थाबाय थाथों।
नाथाय मा खालामनो?
सुबुनि सामफ्रोमबोनि सान्नाय
बायदि गासैबो सोलि जोबा।
बावआ नड बावगार नांबाय
आं बे जोनोभाव नॉ रजेखौ।
गोसो सिंजों मोजां मोनया
गोसो थोनाया गोसो सिडवनो थाफिनबाय निजोमै।
जीउआव नॉ रजेआ थार लामाजों
दावबाय लांनो हाथों।

कनौस काजी
गसाइगाव
जिल्ला- कक्राझार (बि.टि.सि.)।

आं नॉखौनो हासथायबाय थगोन
आं नॉखौनो गोबांआव सोनानै लाबाय बिनानाव
नों सैबा दासै आंखौ
थेवबाबो आं नॉखौ मोजां मोनबाय थगोन
सना एसेआवनो नॉ अनजालिनिसिम
बावहरनाय जाबाय एसेनोसै।

मुस्रि समजित गयारी
गामि-दावदां पाय, ला:सो- रनसाइ धाम,
जिल्ला- चिरां बि टि सि आसाम,

फोरमायै सिमां

(□ 2 बिलाइनिफ्राय)

हायैलाय बियो आंखौ हमदों।
नुजेन्नायावनो गोसो थोदों होन्दों
नॉथांखौ। अनजालिआ लुबैयो
नॉथांनि गोसो बिखा-बिख्लो।
नॉथांहा हामब्लायायनय दं फा?
जयन्तआ सिरि थादों।
बायजोथिं गोजानाव
लाथिखआव नायख्लें हरदों
बेसेबा गोबाव। उनाव खुगा
बेखेवदों, नॉथांख आंनि आंगोन
लोगो जाबाय जेब्ला, नॉथांनि
सिगाडाव बाथ्राखौ
दोनखोमानाया गाहाम जानाय
नड। अनजालिआ आंखौ जिखि
साना नाथाय गोरोन्थि जाबाय।
अनजालिआ गोसो थोनानै
गोरोन्थि खालामबाय। बबेखानि
गोसो थोनायानो गोरोन्थि।
लाईफ एस मेथार फलि।
बेनिफ्राय जयन्तआ
फोरमायलांदों गोबांनि खोथा-
जीउ जारिमिन।

समावनो मार्सिना मुनि सासे
खृष्टान धोरोमारि सिख्ला लोगो
मोन्दोमोन बियो। आर्टसनि
सात्ति मार्सिनाया महर मोखां
बेरस्रां। एरैनो सिख्ला समाव
मोजां नुखायो सिख्लाफोरखौ।
मार्सिनाआ साबद्रायबाव। गोबां
संय्रनिनो सिमांमोन मार्सिनाआ।
नाथाय सासे हिनजावआ साफ्रोम
हौवानि सिमांखौ मोकथां
खालामनो हाया। बियो मेगन
खेबदों जयन्तखौ। जयन्तजों
बियो अन्नानै नामसि नामसि
खालामो। हिनजावफोरनि
खाथिआव फैफेरै जयन्तआ
दह मै नो मार्सिनानि फार्से
लेमलांदोंमोन। बेबायदिनो मोजां
मोनलायदोंमोन। उनाव
सतबांसाबो लाल्जायदों।
जयन्तआ गाव मार्सिनानि
खरआव दानानै बिखौ फोथाय
होदोंमोन, मार्सिना नॉ नडब्ला

जीउआव आंहा रावजोंबो हाबा
जानाय नड।
नाथाय समायखौ लाल्बानोथ'
जाया। फोरमान होनांगोन। बेनि
बोसोरनैनि उनावनो जयन्तनि
अर आनजाद।

पि. इ. चि. आनजादआव
उथ्रिनानै जयन्तआ कक्राझाराव
अनार्च गैयैनि सिल'आव
फरायहैदों फिजिक्सआव अनार्च
लानानै। मार्सिनाआ फेल
खालामदों। बे बुब्लियानो
जयन्तनि थाखाय गाजि आरो
दुखु गोनांमोन। मार्सिनाखौ बियो
लायजामजोंसो लोगो हमनांबाय
थानांदोंमोन। मार्सिनाया
फिनखोआव सम-सम
सतबांसांनि बाथ्राखौनो
रायखांहरबाय थयोमोन। नाथाय
एसेआवबो बि. एच.चि. नि
जोबथा आनजाद सोलिफुबाय
थानाय समावनो खोनाबाय-
मार्सिनाहा हाबा जाबाय, सासे
डाक्टरजों।

मात्रै जाखो? बाथ्राया नंगौना

नड सुलाद लानानै मार्सिना
मोन्नाव थोंजों फैदोंमोन
जयन्तआ। नुफैदोंमोन मार्सिनानि
हाबानि गालांनाय सायराब
नेरसोनफोर। बनि गोसोआ
बायप्लेदोंमोन। हज्रि-हज्रि
बुनो लुबैदोंमोन- मार्सिना नॉ
मा खालामखो?

नाथाय मार्सिनानि दायखौ
बिमाआनो बानसना लादों।
बुंदों-मा खालामनो जयन्त।
मार्सिनाहा गावहाबो गोसो
गैथ्रामोन। नाथाय बियो आंनि
फिसा। फिसानि सुखु-गोजोनि
थाखाय आंहाबो सान्नांगौ बाथ्रा
दं। खोनासंनो गात्रिब्लाबो
बुनांगौ जायो। नॉसोर हिन्दुफ्रा
जों खृष्टानफोरखौ मोशौ बेदर
जाग्रा होन्नानै मुगैयो। जोंहाबो
हेंथा दं समाजाव फिसा।
हिनजावफोरखौ हिन्दुनि नखराव
बिलायनाय जाया। बिब्दि
खालामब्ला बर' खृष्टान
समाजखौनो जों सोलिनाय
जागोन। (□ 7 बिलाइआव)

Board of Secondary Education, Assam
Bamunimaidam, Guwahati-781021
Email: boardassam@gmail.com, website: sebaonline.org

Notification No: SEBA/EST/5/95(pt)/05/2

Board of Secondary Education, Assam (SEBA) is inviting applications for the post of Assistant Academic Officer (Bodo) from the eligible candidates. The candidate must have Master degree in Bodo language with minimum 55% of marks from a reputed university with B.Ed./M.Ed and at least 7 years of teaching experience. In addition to this the candidate must have Bodo language as subject in Graduation and must have passed HSLC or equivalent qualification in Bodo medium or having Bodo as MIL subject.

Interested candidates may apply online for the above mentioned post w.e.f. 26th Feb 2024. Link for the online application will be available in the official website of SEBA.

The details of the advertisement vide No. SEBA/EST/5/95(pt)/05/1 dated 20th Feb 2024, is available in the official website of SEBA i.e., sebaonline.org.

Sd/-
Secretary,
Board of Secondary Education, Assam
Guwahati - 21

Janasanyog /D/18116/23/22-Feb-24

सुंद'सल'

बिरफुं नाजरी

नारा थिलिनि भुट

समा थाडे खोन्दो खोन्दो बोथोरा थाडे हालो दैलो आरो बैसोआ थाडे हांसो हांसो । बोथोरा सोलायस्तु खान्तिजों सोलायै सोलायै दैज्ळां बारनानै माब्लाबानो आफा दावदै गावब्रा लाइजासे गोजानायखौ लानानै गोजां बोथोर सौफै लाइबाय । गोजां बोथोर मोनबाथाय बड्'फोरनि बोथोर जानाय लॉनाय रंजानायनि मुखुब जायो बड्फ्रा बे समाव । सैमा लानजाइ मानि ओंखाम, अमा बिबुंमनि अफ्रि जानायनि लॉनायनि आंखाल जाया ।

बे समावनो सैमा अरलायहोनो मोजां मोनो बर'फ्रा । जाय फारा फारि खारसन लायो घतग हमनानै नाइलायो हाबा लाहाइयो । सोरनिखौ सोर मा बुंनो । हाबा लाखांबानो गासिबोखौ जाजोबगोन बादि मोनो बड्फोरा । उनाव मा जाहैगोन मा जाहैया बौरै राइजो जालांनंगौ जालां नाझ बेखौ सान्नांगौनि गोनांथि गैया सानो ।

कान्टालगुरि गामियावबो अमरनि हाबा जागोन माघ दाननि 12 अक्टआव थाइजौ गुरि गामिनि बारसिजों । हिन्जावगोदाना खारसननानै थाफै खाबाय । गोसो थोलायनाया आमथा अमथाद्राय जानानै सबाइ दाखुराफोर बायदि जालाय खाबायमोन । बेसेबां नायनो मोन बिसोरनि पुजानि मेला, देबोलनि मेला,गान बाजोनायाव खायदा लायै लायै लोगो हमलायनाय । बांद्राय गोसो थोब्रेनानै देरलाय खारसनबाय । मानसिफ्राबो मोजां गात्रि लामा लामा सावरायो नालाय ।

हाबा, खेराय, सावरि बादालि होनबाथाय बड्फोरा गावजों गाव ज' ज' अनलायनायनि सिमा थाया । कान्टालगुरि गामिनि मानसिफोरनि गोसोआव दुंहाव जालायथारदों हाबायाव रंजानो मोनसिगोनखाय । अमरनि हाबायाव गामिनि बयबो बडुनि नियम बायदिदैयै हाबा न'खरखौ हेफाजाब होनो थाखाय बानलायदों सोरबाबा बेम्पार, माइक, सोरबा अमा, ना, थाव, बायदि बाइदि ।

लथर बेंगायाबो गामिनि सिगांनि सेंग्रा लोगो मोनखाय दालि आदामन बाइनानै हेफाजाब होनो थांखि लादों । गावनि हाबायाव अमर मोनहा दालि बान्नायखौ गोसोआव दड् बेहा । बदल हैफिनाब्ला मान सनमाननि खोथा जागोन सानदों । लथर बेंगाया ।

समबार भावरागुरि हाथाय लटर बेंगाया न'नि माइ महनसे फान्नानै मोन्नाय रांखौ लानानै बेलासि बेलासि ओंखारदों हाथाय होन्नानै । सान्ने उनावसो अमरनि हाबा जागोनखाय दालि आदामन बाइनानै लाइनो थाखाय । भावरागुरि हाथाया कान्टालगुरि गामिनिफ्राय बारा गोजान जाया थाबायोब्ला घन्टा खवसेल' नांगौ । बेनि थाखायनो बेलासि जानानैसो ओंखार खादों । लटर बेंगाया हाथायाव गावनि नांगौखौ लाखानानै ह'राव उन्दुनो ओंखारनायनि एसे बोप्पोनो थाखाय जारसिनाव जकथाब हैदों लटर बेंगाया । साना हाबनानै खोमसि जाबो नायलाय हाखु दाखु ओंखारबोनो नायगिरनायावनो कप्रा गामिनि खाटामखौ लोगो मोन्नानै मुजिनायलाय खोमसि लांनायखौ थाल लानो समाय मोनलाय थाराखैमोन लटर बेंगाया । हरनि डाइन बाजिब्लासो हुस फैनानै बिदाइ लालाइबाय खाथामजों ।

गोजां बोथोरनि अमा बैसा हर खोमसियानो सोरबाफोर थिखिनिनि खानायखौ हासनानै खारबाबो नुसन लायनाय नझ । हरनि डाइन बाजि जानायलाय रावबो लामायाव गैला । बयबो गावबा गाव न'आव, गावानि गाव बिसिनायाव, अर सेराव मुखुब । लटर बेंगायाल'नो लामा लामा खुवानि खोमसिखौ सिनखाव सिनखाव खारस्लिउ खारस्लिउ थाबायदों ।

(□ 1 बिलाइनिफ्राय)

बिटिसि देहा खोन्दोयाव सलार गोहो गायसन्नानै..

जौगाखानायनि थाखाय आबाद, देहा बिफाननि गेजेरजों 35 लाख सरासनस्त्रा सुबुंफोरनि जिउ खानायनि लामाखौ मोजां खालामनो थाखाय खामानिखौ जागायजेनबाय । कक्राइर सोहोरनि ग्रीन फिल्डयाव खुंनाय हाबाफारियाव चेलक' फाउन्डेसनआ बिटिसिनि थाखाय आजवना लानाय जौगाखाडरि बिथांखिफोरनि बिदिन्थिफोरखो फोरमार्याथिनानै दिन्थिनायजों लोगोसे गामियारि ओन्सोलनि गावसुंथा आफादफोरनो फिसा उद्यग गायसन्ना होनाय आरो जागायजेन्नायनि सायाव गासै गियान होनायनि थांखिजों मावबादाबो खुंदों । दिनैनि हाबाफारियाव सेलक' फाउन्डेसननि सिइअ हरिश हान्देआ खौरां बिजोंनि सिगाडव बुंदोंदि, बिटिसिजों जयै खामानि मावनो थाखाय बिबान मोन्नानै बिटिसिनि सरासनस्त्रा सुबुंफोरनि जिउ, सोलोंथाय, आबाद आरो देहा थासारिनि रहाखौ जागायजेन्नाे गुबुन गुबुन बिथिडव जोडे खामानि मावलांगोन । बिथाड लोगोसे फैगौं 2030 नि गेजेराव बिटिसिआ हादतनि गेजेरावनो दरसे जौगाखानाय ओन्सोल महरै मिबथिजागोन होन्नानै मिबथिहोयो । फारसेथिं बिटिसिनि देहा बिफाननि मावफुं सोद्रोमा अरुप कमार देआ देहा खोन्दोयाव नेमखान्थि नडै मोब्लिव सिबिथायनि थाखाय जाय जेंना सोमजिदोंमोन बेखौ सेलक' फाउन्डेसनजों रादायाव मुंसायलायनायनि मुडव बिसोरों देहा मिरुफोराव सलार गोहो गायसनगोन । बेबायदिनो बिटिसिनि दर 5 जिल्लानि गासै 7 जौनिखुइ बांसिन फाहामसालि आरो देहा मिरुफोराव सलार गोहो गायसन्नो थाखाय सिगांबोनाय सेलक'आ सोलिफु बोसोराव गासै 500 निखुइ बांसिन बिथांखिफोरखौ जागायजेन्दोंमोन आरो दिनें 300 बिथांखिनि खामानिफोरखौ आबुं खालामनो हाबाय । लोगोसेनो फैगौं 15 साननि गेजेराव आद्रा थानाय बिथांखिफोरनि खामानिफोरा आबुं जागोन । बेनि अनगायैबो सेलक' फाउन्डेसनआ 3 दाननि गेजेराव गावसोरनि खामानिखौ आबुं खालामगोन होन्नानै बाश्रा होनायखौ रैखा खालामनो थाखाय मावफुं सोद्रोमा अरुप कुमार देआ बिथांमोनखौ साबायख 'र बाउयो । दिनैनि जागायजेन्नाय हाबाफारियाव बिटिआरनि मावफुं सोद्रोमा रेव-रेवा नाजिहारि, उइल्सन हासदा, अरुप कुमार दे, पद्मश्री सर्वेश्वर बसुमतारि, मेघालयनि लाइभलिहडुड मिसननि बिबानगिरि चांलास लिंद', कक्राइर नोगोर आफादनि बिबानगिरि प्रतिभा ब्रह्म, सेलक' फाउन्डेसननि सिइअ हरिश हान्देमोनजों लोगोसे माखासे जर'खा सुबुंफोरा बाहागो लादों ।□

भारत–भुटान सिमनायाव मुलि गोनां मुसारि रान्दों

मुसारि रानबोगासिनो । बेनिनो बाहागो महरै दिनें तामुलपुरनि सान्जा गुवाबारिआव बाक्सा जिल्ला बारदेर्रा बेराम दबथायग्रा मिरु, माहारियारि देहा मावथांखिनि बान्जायनायाव मेलेरिया दबथायनाय आरो उदां खालामनायनि थांखिजों मुलि गोनां मुसारि रान्नाय जायो । बे हाबाफारिखौ बेखेवनानै होयो तामुलपुर जिल्लानि बिजिरगिरि हितेश बर'आ । सान्जा गुवाबारि गामिनि माखासे नख 'रफोरनि गेजेराव मुसारि रान्नानै होनाय हाबाफारियाव जिल्ला जथाय देहा बिथोनगिरि डा: मनज कुमार दास, जिल्ला सनदेर्रा बेराम दबथाय मिरुनि बिबानगिरि रहिम आलि आहमेद, जिल्ला मेलेरियानि लोगो बिबानगिरि हेमकान्त बर', नाग्रिजुलि आदर्श देहा फाहामसालिनि बिबानगिरि दिगन्त कुमार बर', ओन्सोलारि बिबानगिरि डा: मनहर दासआ बाहागो लानानै मुलि गोनां मुसारि बाहायनायनि सोमोन्दै राइजो–रजाफोरनि सिगाडव गुवारै फोरमायनानै होयो । बे हाबाफारियाव देहा मावफारिया, आशा मावथि आरो ओन्सोलनि समाज सिबियारिफोरा बाहागो लायो । मख'नो गोनांदि, तामुलपुर जिल्लानि भारत–भुटान सिमनानि गं 16 उफ्रा देहा मिरुनि सिडव थानाय दर 68 गामियाव मुलि गोनां मुसारिफोरखौ रान्नानै होनाय जागोन ।□

कान्टाल गुरि गामिया मटर सरक सेरनि कान्टाल बिफां सेरजों ओंखारनानै दुब्लि बारिजों बारस'योब्ला थबस्त्र जायो । बिनि थाखायनो लटर बेंगाया गिदिनानै थाडेब्ला गोलाव लामा थाबाय बावनांगौखाय दुब्लिजों बारस'नोनो थांखि लाबाइ ।

दुब्लि बारियाव माय हागोदान । नारा गोराना माघ दाननि सान्दुजों स्त्रेम स्त्रेम रानस्त्रेम जोबबाय । रावबो आसु माइ फोनो खराय थ'वाखै । हाबा खेराय जानायाव मुखुब जाग्रोदों । खाव दावा आगत मुखर दमा फिसद होन्नाय बादि । दुब्लि गेजेराव मोनसे जाम्बु बिफां जायखुमामा दं । बयबो होनसो लायो बेयाव भुट ओंखारो होन्नानै । लटर बेंगाया गावहा तुला रसिखाय आरोबाव अमाबैसा हरखाइ गिदोंबो बे लामाजों थाबायनो । नाथाय उफाइ गैया लामायाव रावबो मानसिफोरबो गैला आरो मटर सरकजों थाब्लाबो दावा बिफां सेरनि मानसि सावग्राखौ लोगो मोनखायो । महा जाल्ला बबेजों थांनो सिगाडव हाखर उनाव दै होन्नाय बायदि बिपत ।

जेखि जादोआ होन्नानै बिसि प्रियानि मुं लानानै गामसानि सारामाइखौ खाफ्रानानै दालि आदामनखौ बिखुडव बानानै रावना होबाय लटर बेंगाया खारस्लिउ खारस्लिउ नारा बारि गेजेर गेजेर ।

सांग्रेमा जॉनाय फोरखौनो भुटनि मेगन बायदि मोनफ्लांदों लटर बेंगाया । अमाबैसानि खोमसिखौ भुटनि बिरबायनाय गां बायदि मोनफ्लांदों लटर बेंगाया । थेवब्लाबो गोसोखौ गुदु खालामनानै थाबायदों । माबा माबि सानफ्लांनानै बागदावदोंबो गेजेर गेजेर ।

थाबायै थाबायै जाम्बु बिफां खाथि मोनबाय । खोमाया सांग्रां मेगना सिगांजों गोजों । बिखा मावनाया बारानिफ्राय बारा जादों । थिक बे समावनो उनाव ख्रेब ख्रेब सोदोब, खोमोन गसंख्रां जोबबाय लटर बेंगानिया । इसे उनाव आरो जाम्बु बिफां सेरनिफ्राय फोर होलायनानै माबा दाव बिरनायाव बिखा गुरलाब थानाय बायदि मोनबाय । हाबाब मा जाखो होन्नानै गावहां खुहां जाबाय बियो । खरासिन थाबायबाय बियो बोलो होनानै गाय्रां गासि नाराबारि गेजेर गेजेर । ख्रेब ख्रेब होन्नाय सोदोबा बारानिफ्राय बारासिनसो जाबाय । गिदोंब्लाबो लटर बेंगाया बिखाखौ गोजौ खालामनानै आखायखौ गोरा हमथुमनानै उनजों नायबाय मा जिनिस, जेबो गैया । मा जाखो नंनानै बिखानि मावनाया बारानिफ्राय बारासिन जाबाय । थेवब्लाबो साहस खालामनानै थाबायफिनबाय लटर बेंगाया जिसिनो गोबरै थाबायो एसेनो बांसिनसो उन उन खारफायो । गोदोनायाव हमनानै सिख्रेब सिनगोन बादि मोनबाय बियो भुटखौ ।

साहसआ जोबनानै हांखौ सरथे सरथे मोनबाय । बोलो होनानै खारबाय होखाव होखाव, आयैलै, आयै भुट, भुट, होन्नानै थैनाय थांनायखौ बुजिथाराखिसै । गामियाव नुहरनाय जोंथि जोंथा सांखौ नोजोर होनानै । होखावनायखौ गामिनि बयबो खोनाहै जोबनानै सोरबा बिफटआव गोग्लैबाय होन्नानै फाथोसिनानि अर थरस लानानै ओंखारबाय ज' ज' । होखावनाया द'से उनाव सि जाबाय । बयबो सानबाय सोरबा जाम्बु बिफांनि भुटजों अरजानानै थैबाय । बिनि थाखायनो हाखु दाखु दावगाबाय सोरमार बेखौ उदिस लानो । मा जादों ? नायनो ।

बयबो दावगानानै थांब्ला नुसाय लटर बेंगाया बन्दुमोनि

दुब्लि सेरनि खरसिथलायाव सलादं गोग्लैनानै दड। बयबो दावराव

जाबाय लटर बेंगाया भुटजों सिगि जानानै थैहाबनानै दं । गामिनि

एसे अजा रोंहॉनाय हंला बुथंडं दानायानानै बुंबाय... हाब बेखौथ'

ससान खालिसो अरदों, थाबनो सानजाजों मोखां जानाय साल

दावखुमै बिफांनि बिलाइ, बोरमा गोसोम मासे,जौ गिसिनि खर'

बटल गंनै आरो थाखा सेजौ से नांगोन नडब्ला बासिनांगौआ

गोब्राब जासिगोन होन्नानै ।

लटर बेंगानि बिसिया खोनानै हाखु दाखु खारबोबाय हाबाब हाबाब फाग्ला मोरोना थाब फै होन्नाया बिसि जारसिनाव हासुदैखौ लॉनानै हर थौबाइ दानिया भुटजों अरजाबाय, होन्नानै होखाव होखाव रायै रायै । हंला बुथुं अजानो जा नांगौ होनाय जाबाय ।

अनिल कुमार ब्रम्

मुलुकनि समाइनासिन जिरातआ मा ? बे सॉलुनि फिनाव मुलुक खन्थाइगिरि रबीन्द्र नाथ ठाकुरआ फिनदोंमोन, ‘‘सासे गोर्बोबथि आइजो।’ मानोना सासे गोर्बोबथि आइजोआ सोरजिथाइनि आबुं महरथि । बे खोथानिफ्राय बेयो रोखा जादोंदि रबीन्द्र नाथनि नोजोराव सोरजिलु फुंखानि महरथियानो समाइनासिन जिरात । समाइनानि सिबियारि रबीन्द्र नाथ । सोरजिनि तागिदाया रबीन्द्र नाथ ठाकुरखौ लिरनो थुलुंगा होदोंमोन । नाथाय गुबुन गुबुन लिरगिरियादि गुबुन गुबुन रोखोमनि रायथाइ, खन्थाइ, सल'-सल'मा, फावथाय बाइदि बाइदि लिरो, लिरबाय थायो–बेनि थुलुंगाखौ लिरगिरिफ्रा रोखोमसेयै मोनो होनानानै बुंब्ला गोरोन्थि जागोन । सोर माब्ला, मानो आरो मानि थाखाय लिरों ? बेफोर सॉलुफोरनि फिनखोआवनो हयथ' मोननो हागोन–लिरगिरिनि सोरजिनि थुलुंगाया बबेव ?

लिरगिरिफोरनि थुलुंगाया जेखि जाया, गोबां समाव गोबाडनो मोनसे खोथाखौ सिमान लानो गोनां जायोंदि गाव जेखौ लिरनो हामब्लाइ खाडे, बेखौ लिरनो हाया जायो आरो गुबुन रोखोमैसो गोर लालाडे । ओन्थोरनि माबा गोथौ हामब्लाइथि थासेयावबो लिरथाइफ्रा रोखोम रोखोम महरै नुजाथियो । थेवब्लाबो सोर जिलु लिरथाइफोरखौ गावनो गाव गोर्बोनिफ्राय खोलोमनि बोहैथि खालिजों ओंखार बोनाय भाव होनानानै बुंनाय जायो । बबेखानि सोरबा गेदेमा लिरगिरिनि साया लानानै लिरनायबो जानो हागौ एबा गुबुन लिरगिरिनि गोहोमा सासेनि सोरजिवाय बेरखांनो हागौ । रोखोमसे सानथौंखौ गुबुन आदवयै फोरमायनोबो हागौ ळ्मेबेबा गोदान आदवनि सोरजिथाइयाव लिरगिरिनि गोर्बोनि गावनो गाव ओंखार बोनाय खोलोमनि फुलुड आरो सोरजिथाइया गाहाय थाखोआव एबा सरकारि मावख'आव

जेबोखोनो मोनाखैसे हंला बुथुंड। लासेनो दै सान्थि सारस्रिये सारस्रियै मोन्थोर आवरायबाय हंला बुथड। दसे उनाव एफा एफा हुस फैबाय । बयबो सांबाय मा मा जायामोन बौरै बबाव भुट सिगियामोन ? लटर बेंगानाव ।

गासिबो खोथाखौ खोना संनानै गामिनि खारु मास्टारा सांबाय नॉनालाय दालिया बोरों होन्नानै । बिब्दि सोंब्ला बयबो नायबाय दालिया गैया बस्टा-गोजा लटर बेंगानि आखायाव दड। मिनिनो ना रागा जॉनो जाबाय लटर बेंगाया गासिबो जाथायखौ हमनो हानानै । बस्थानि दालिया गब्लंजों गनायखौनो भुट सान्नानै फिट जालाय लायनायखौ मिथिनानै मानसिफोराबो मिनिबाय आजां गाजां ।

सोरजिनि थुलुंगा

अनसाइ जायाबो जानो हागौ । माब्लाबा

सरखार पाब्लिक बयजोंबो लैजा आरो

साजा मोननो गोनांबो जानो हागौ ।

लिरगिरिफोरा माब्लाबा बोहैथि समनि

हंथायै आरो गोदान सानथौ फोसावनानै

गोबां सुबुंनि मोहेरनायाव गोग्लैनोबो

हागौ । माब्लाबा हादोद नगारनानै गुबुन

हादोदआव थाखोमा हैनो गोनांबो जायो;

माब्लाबा जेल जानाय, थैनायनि साजाबो

आजावनो गोनां जायो । बेबादि होननानै

सासे सुबुंनि सोरजिथाइयादि बेसेन गैया

एबा थुनलाइ जायाखै– बे नझ । गोबां

समाव बेबादि साजा मोननांनाय लैजा फोनां

जानाय थुनलाइगिरिफ्रानो उननि समफ्राव

एबा बे एखे समावनो गुबुन हादोदफ्राव

बराय जानाय, बाख्याय जानाय नुनो मोनो ।

सोमोनो गोनां बाश्राया बेनोदि लैजा–साजा,

दाहा–कस्ट मोनसेयावबो गोबां लिरगिरिफ्रा

गावनि खोलोमखौ मुधेनानै लाया ।

लिरगिरिया गावनि गोर्बोनि बाश्रा फोरनो

आरो सोरजिनि तागिदायावनो निरिख जवा

जासे लिरलांबाय थायो । बबेखानि आब–

हावथाया माब्लाबा सासे लिरगिरिनि

सोरजिलु गोहोखौ फोजेबस्रं थारनायबो

दं । बेनिखायनो बुंनो हायो–सोरजिथाइजों

सोरजिगिरिफ्रा गुबुन गुबुन रोखोमै बान्था

जानानै थायो ।

थुनलाइनि नबेल बान्था मोनगिरि जाव

जिं जियानआ गावनि जोनोम हादोद

चीनखौ 1987 मायथाइयावनो एंगारनो

गोनां जादोंमोन । फ्रान्सआव आश्रय

लाहैनाय जाव जिं जियाननि गोबां

पान्दुलिपिखौ 1966 मायथाइयाव चीनाव

जानाय 'महान सांस्कृतिक बिप्लब'नि

सायाव चीननि बिप्रायारिफ्रा सावनानै सेव

हांगार खालामदोंमोन । जियाननि मुंदांखा

थुनफावथाय 'दि आदार'छ'खौ चीन

हादोतआव 1986 मायथाइयाव बेन्द

खालामनाय जादोंमोन । अथस'

सलमागिरि–थुनफावथायगिरि जाव जिं

जियानआ मुलुकनि देरसिन थुनलाइ बान्था

'नबेल बान्था' मोननो हादों । जियानआ

गावनि लिरथाइनि सोमोन्दै गाव बुंदों,

‘‘बियो सासे शिल्पी–आर्टिष्टसो, लिरनाया

बिनि थाखाय मोनसे रं जानायनि

आहिलासो।’’ नाथाय बिनि गोसो मोजां

मोननाय, रंजानायनि लिरथाइफ्रानो चीन

हादोदनि बिग्रायारि आरो सरकारखौ संखि

खांहोदोंमोन । सासे शिल्पीनि रंजानायनि

सोरजिथाइयाबो बिग्रायारि एबा राइजो

खुंगिरिफोरनि गिखुंथाव हंथा जानानै

गसंथेनो हागौ । बेखायनो थुनलाइगिरि मेक्स

पालेन बागआ फेरला बिदै जगाइनाय

थुनलाइफोरखौसो सोरजिनो बांसिन गोसो

होदों । बियो बुंदों, ‘‘माब्रै गाबनांगौ,

मानसिया जोनोमावनो सोल्लोना फैखायो ।

नाथाय, मिनिनो मानसिनो समनि गोनांथि

जानानै फैयो । मिनिनो सोल्लोंनो गोनां

जायो ।’’

खन्थाइगिरिफोरनि मोनसे आरखुथाइया

जादों गासिबो खन्थाइगिरिया गुबुनि थाखाय

खन्थाइ रनसाइया । खन्थाइ रनसाइयो गावनि

थाखाय । बैफोर खन्थाइफ्रा गुबुनजों अनसाइ

जायोब्ला गाहाम । अनसाइ जायाब्लाबो

खन्थाइगिरिया गात्रि मोना । बेबादि

खन्थाइगिरिया जादों बिहारीलाल चक्रबर्ती ।

साफ्रोम गुबै लिरगिरिफोर हानो

आंगोथि सानथौ थायो । थायो आंगोथि

लिरनाय आदब । थायो गाव मोजां मोननाय,

गात्रि मोननाय रुसि । बे आंगोथि

आरखुथाइयानो खन्थाइगिरिखौ सम

देरहासाद खालामो । गावनि सत्वाखौ गोथौ

बिमुथियाव हाबसन हैनानै जुग जुग अराय

जोगोर खालामो ।

(□ 1 बिलाइनिफ्राय)

गिखंथाव लामानि जाब्रबथायजों सानै जोखोम

14 पि 9185) रडिया-भुटान हारिस्मायारि लामायाव सौफेनाय लोगो–लोगो रडिया-भुटान फारसे थांबाय थानाय भुटाननि गंसे मिनि ट्राक (बिपि–5–ए 0054) आ गोख्रोंथारे सिगांथि सौराव हैनायाव बाइक दावबायारि रबिन चन्द (35) आरो अजय सरकार (42) मोनहा गोब्राबै जोखोम जायो । जाथायनि उनावनो जायगानि सुबुंफोरा गोख्रेनो सानैखोबो तामुलपुर गुदि देहा मिरुयाव थिसनफैयोब्लाबो जोखोम जानाया गोब्राबथार जावनायलाय फाहामगिरिया गोजौ फाहामथायनि थाखाय गुवाहाटीसिम दैथायहरो ।□

फाटेमाबाद साहा बागानाव

खामानि मावग्राफोरा सोमावसारदों

सोमावसारदों । हेंथा सोमावसारगिरिफोर पिएफ धोनखौ गथायनांगौ, राजेश जानाल हाय–हाय, बिगोमा थाखो हुसियार, सुटिनि धोन गथाय, जॉनि जॅनाखौ सुस्नांनंगौ बायदि गुबुन गुबुन स्ल'गान होनानै फाटेमाबाद साहा बागान सामलायगिरि मावखुलिखौ दुंहाव खालामो । आदिबासि फरायसा दैदेनगिरि एचाउ एमरसआ बोसोर–बोसोरनाडे' फाटेमाबाद साहा बागाननि खामानि मावग्राफोरा नासायजाबोदों होन्नानै राजेश जानालआ फाटेमाबाद साहा बागानाव बिबान लानायनि उनावनो फाटेमाबाद साहा बागाननि खामानि मावग्राफोरा जॅना–जेंसिजों मोगा–मोगि जाबोनांदों । मोन्नो गोनां धोन, सुटिनि धोन गथायनायनि थाखायबो दाबि खालामो । खाम

शाहरुख-नयनताराया दादासाहेब फाल्के गेजेर हायुंआरि बाब्थाखौ देरहादौ

हादतनि बयनिखुड मानगोनांसिन बाब्थाफोरनि गेजेरव मोनसे, दादासाहेब गेजेर हायुंआरि बाब्था हाबाफारिखौ मंगलबार मोनाबिलि समाव खुंनय जादौमोन। बे हाबाफारिया मुम्बाइनि ताज लेन्डस एन्डआव जादौ, जेराव शाहरुख खान, सुनिल ग्रवार, आदित्य रय कापुर, अनिल कापुर, शाहिद कापुर, भिक्रान्त मेसी, एटली, नानी मुखार्जी आरो गोबां मुंदांखा सेलेब्रिटिफोरा नुजाथिदौ। बिथांमोना गावसोरनि नुजाथिनायजौ बे हाबाफारिखौ मेहेर गोनांसिन खालामदौ। दादासाहेब फाल्के गेजेर हायुंआरि बाब्था देरहागिरिफोरनि बाब्था बुंक्ला, शाहरुख खानआ बे बाब्था रननायनि हाबाफारियाव



साबसिन फावखुंगुरनि बाब्था देरहानो हादौ। किं खानखौ 'जवान' सावथुननि थाखाय साबसिन फावखुंगुरनि बाब्थाजौ मान होनाय जादौ। शाहरुख खाननि अनगायैबो नयनताराआबो 'जवान' सावथुनआव गोखौ फाव खालामदौ, जायनि जाहोनाव बिथाड साबसिन फावखुंगुरनि बाब्था मोन्नो हादौ।

मख 'जाथावदि, शाहरुख खाननि 'पाठान' सावथुनआ बक्स अफिसआव दोहौ गोनां जादौमोन। बे सावथुना आर्जिनारनि रेकर्डफोरखौ सिफायदौमोन। 'जवान' सावथुना भारतआव 604 कौटिनबो बांसिन रां खामायदौमोन। बेजौ लोगोसे बे सावथुननि मुलुगनाडै आरजिनारया 900 कौटि, रां

खामायदौमोन। आथिखालाव शाहरुख खाननो बे सावथुननि थाखाय साबसिन फावखुंगुरनि बाब्थाबो होनाय जादौ। बे समावनो भिक्की कौशलआ दादासाहेब गेजेर हायुंआरि बाब्था 2024 आव 'सेम बाहादुर' सावथुनआव गावनि दिन्थिफुनारनि थाखाय साबसिन फावखुंगुर (क्रिटिक्स) नि बाब्था देरहानो हादौ। फावखुंगुरआ सशेल मिडियायाव मोनसे भिडिअनि गेजेरजौ बे बाब्थाखौ देरहानो हानानै गोजोन्नाय फोरमायदौ। बिथाड बुंदौदि, 'सेम बाहादुर' सावथुनआव आनि फावनि थाखाय आंनो साबसिन फावखुंगुर क्रिटिसनि

बाब्था होनायनि थाखाय दादासाहेब फाल्के बाब्थानि जरीनिसिम जोबोद साबायखर। भिक्कीनि बे भिडिअखौ बाब्था फोर्बोआव दिन्थिनार जादौमोन। मानोना माबा मोनसे जाहोनि थाखाय बिथाडा बे बाब्था फोर्बोयाव नुजाथिनो हायाखैमोन। बबि देअलआ 'एनिमेल' सावथुननि थाखाय दुथां फावखुंगुर एबा नेगेटिभ रल 'नि साबसिन फावखुंगुरनि बाब्था मोन्नो हायो। बेनि अनगायैबो दिथागिरि सन्दीप रेड्डी भांगाखौ 'एनिमेल' सावथुननि थाखाय साबसिन दिथागिरि बाब्थाजौ मान बावनाय जादौ।

साउथ फिल्मनि तृषा कृष्णनआ आइनारि राहा लागोन होन्ना सांग्रांथि होदौ



2023 नि ब्लक बास्तार सावथुन लिय 'आव गावनि गोखौ आखुजौ सुबुंफोरनि गोसोखौ देरहासारनो हानाय साउथ फिल्मनि फावखुंगुरि तृषा कृष्णनआ बयजौबो मिबथिसार जानाय। बियो साउथ फिल्मनि मुंदांखा फावखुंगुरि आरो गावनि दोहौ गोनां फावजौ बियो नायगिरिफोरनि गोसोआव जायगा आवग्रिनो हादौ। तृषाया गावनि प्रफेसनेल लाइफजौ लोगोसे पारसनेल लाइफनि थाखायबो खौराडव फैफ्लेबाय थायो। बावैसो सिगां एआइएडिएमके राजखान्थि दोलानि आगुनि दैनेगिरि एभि रजुआ तृषाखौ लाना मोनसे बिबुंथि होदौमोन। बे बिबुंथिनि सायाव फावखुंगुरिया गोखौ फिन्नाथाइ होदौ। बिबुंथियाव एभि रजुआ बुंदौमोनदि, फावगिरिखौ सासे एमएलएनि रिजटआव लिंहरनार जादौमोन, जायनि थाखाय बियो गोबां रां लादौमोन। रजुनि बेबायदि दाय जाबसिन्नायखौ खोनाना तृषा कृष्णनआ रगा जौदौ आरो बेनि सायाव फिनजाथाइ होफिन्दौ। दुइत खालामनानै फावखुंगुरिया गोखौ फिनजाथाइ होदौ। अदेबानि गावनि पस्टआव तृषाया एभिनि मुंखौ मुख 'याखै। नाथाय बेयो गोखौ सांग्रांथि होदौ। एभि रजुनि बिबुंथिनि सायाव रगा जौनाय फोरमायना तृषाया दुइतआव लिस्दौदि, गाव बनि हेंथायै आइनारि नायबिजिगोन आरो जाय मुलाम्फानि थाखाय जायखि-जाया थाखोसिम गोलेलांनो हागौ बनि हेंथायै आइनारि राहा लागोन। फावखुंगुरिनि बे पस्टआ सशेल मिडियाआव गोखै भाइरेल जादौ। इजराफोरबो बेनि सायाव गाव गावनि रिफेक्सन शेयार खालामदौ आरो फावखुंगुरिखौ हेफाजाब होदौ। मख 'जाथावदि, तृषाया तामिल, तेलुगु, कन्डु आरो मालायालम रावनि सावथुनफोरव हाबा मावदौ। बेनि अनगायै बियो लिय', 96, पन्थिन सेल्थाननि मोनैबो बाहागो, गिल्ली, रायन आरो काता मिता बायदि बलिउड सावथुनफोरवबो फाव खालामदौ।

बलिउडनि फावखुंगुर बिक्रान्त मेसिया मोनसे टुइटनि थाखाय निमाहा बिदौ



बलिउडनि फावखुंगुर बिक्रान्त मेसिया सावथुन '12 वीं फेल' जौ साफ्रोमबो नायगिरिफोरनि गोसोखौ देरहासारनो हादौ। सरासन्हा सुबुंफोरजौ लोगोसे सावथुन मुलुगनि स्टारफोरबो भिक्रान्तखौ बाखायदौ। थैरनो बे सावथुनआ भिक्रान्त मेसिनि केरियारनि गिदिर सावथुन महरै फोरमान जानानै फेदौ, जायनि थाखाय बेयो बेस्ट एक्टरनि फिल्म फेयार एवार्डबो मोन्नो हादौ। बेनि गेजेरव भिक्रान्तनि मोनसे दुइतआ सोराडव फेदौ। बनि दुइतआ बे समाव सशेल मिडियाआव गोबां गोसारदौ। भिक्रान्तआ दुइतआव सुबुंफोरनिसिम निमाहा बिदौ। बनि बेबायदि निमाहा बिनायनि जाहोना मा? बियो मा जाहोनि एबा गोरेन्थि मावनायनि थाखाय निमाहा बिनो गोनां जादौ?

बाथ्राया जादौ भिक्रान्त मेसिया 2018 आव मोनसे जेना गोनां दुइत खालामदौमोन, जाय फिन खनसेबाव सशेल मिडियाआव भाइरेल जागासिनो दड। बेखौ लानानैनो अनसाइगिरिफोरा फावखुंगुरखौ गोखौ डै सौंखारिदौ। अनसाइगिरिफोरनि गोखौ अजद होनायनि उनाव भिक्रान्तआ गावनि बे पस्टखौ बोखारो आरो दुइत खालामनानै हिन्दु समाजनि खाथियाव निमाहा बियो। भिक्रान्तआ बे दुइतआव गावनि बाथ्राखौ रोखा खालामनानै सुबुंफोरनिसिम निमाहा बिदौ। बियो दुइतआव लिस्दौदि, आं माखासे बाथ्रा बुंनो सानो, हिन्दु समाजखौ दुखु मोनहोनो, बदनाम खालामनो एबा अपमान खालामनयनि आंहा जेबो थांखि गैयामोन। नाथाय जेक्ला आं जंखायनाय आखुजौ खालामनय मोनसे

टुइटनि बागै सानो। आं बेनि गुबै बाथ्राखौबो सोराडव लाबोयो। बे बाथ्राखौ गांसे खौरां बिलाइयाव सेबखानाय कार्टुनजौ सरजाबाजासेबो बुंनो हागौमोन। गोसो गोबोनिफ्राय खर 'गंग्लायै बै गासैबो सुबुंफोरनिसिम निमाहा बियो जायफोर आनि बे टुइटनिफ्राय दुखु मोन्दौ। जैरबायदि बयबो मिबथिगौदि, आं गासैबो धोराम, फोथायनाय आरो सिबिनारफोरखौ मान होयो। जौ बयबो समजौ लोगोसे आवगायलाडो आरो गावनि मावबोनाय गोरोन्थिफोरनि सायाव सानसेबलाबो सानखाडो। आंबो आनि बै गोरोन्थिनि थाखाय बयबो नौंथांमोनिसिम निमाहा बियो। मख 'जाथावदि, 2013 आव भिक्रान्त मेसिया लुटेरा सावथुन बलिउडआव डेब्यु खालामदौमोन। बे सावथुनाव बियो रनभिर सिंह आरो सनाक्षि सिन्हाजौ लोगोसे फाव खालामदौमोन। बेनि उनाव बियो हासिन दिलरुबा, मिर्जापुर, फेरेंसिक, गिन्नी वेडस सानी, 14 फेरे, लभ हस्टेल, हाफ गार्लफ्रेंड, गेस लाइट आरो 12 वीं फेल बायदि सावथुनफोर आरो वेब सिरिफोरव फाव खालामदौ।

बलिउडनि माखासे फावखुंगुरफोरा रितुराज सिंहनि रुंसारि जानायाव बिबार बाउदौ



सावथुन आरो टिभि फावखुंगुर रितुराज सिंहया रुंसारि जाबाय। फावखुंगुरआ 59 बोसोर बैसोयाव हार्ट एरेस्टनि जाहोनाव गावनि जिउखौ खोमानांदौमोन। फावखुंगुरनि रुंसारि जानायाव गासै इन्डस्ट्रीया दुखु लाबोदौ। एखे समावनो गोबां स्टारफोर रितुराज सिंहनि थैनायनि खौरांखौ फोथाइनो हायाखै। रितुराज सिंहया गावनि फाव दिन्थिनार केरियारआव गोबां स्टारफोरजौ खामानि मावदौमोन। टिभिनिफ्राय लानानै सावथुनसिम

बिथांहा मोनसे मोजां जिउ राहानि ग्राफ दं। बेबायदि थासारियाव गोबां स्टारफोरा बिथांखौ मान बाउदौ। अरशाद भारतीय रितुराज सिंहनि जिउ गोमानायनि सायाव एक्सआव मोनसे पस्ट शेयार खालामदौ। मान बाउनानै, फावखुंगुरआ बुंदौ, 'आं बेखौ मिबथिनानै जोबोद दुखु मोन्दौ। जौ मोनसे बी बिल्डिंआव थायोमोन, बिथाडा सासे दिहुनगिरि महरै गिबि सावथुननि बाहागोमोन। सासे मोजां लोगो आरो सासे


सोमोनांथाव फावखुंगुरखौ खोमाना लाबाय। नौंथांखौ मिस खालामगोन'। मन 'ज बाजपेयीआबो रितुराज सिंहनो मान बाउयो। बिथाडा बुंदौ, 'बियो माबोरै सै थौ जानो हागौ? आं फुडव सिखारनाय लोगो लोगो बे गोसो बायथाव खौरांखौ मोन्नो हादौमोन। आनि लोगो, नौंनि जिउमाया गोजौनै थार्थौ। अम शान्ति'। रितुराज सिंहया भरुण धवनजौ लोगोसे बद्रिनाथ की दुल्हनिया सावथुनआव

खामानि मावदौमोन। बे सावथुनआव बिथाडा फावखुंगुरनि बिफानि फाव खालामदौमोन। बेबायदि थासारियाव भरुण धवनआ रितुराज सिंहनो रुंसारि जानायाव मान बाउनानै फावखुंगुरआ बुंदौ, 'रितुराज सिंह सारजौ खामानि मावनाया मोनसे गोसो बोनो हानाय मोन्दांथिमोन आरो आं माखासे

दान सिगां बेबी ज 'ननि सेटआव बिथांखौ लोगो मोन्दौमोन। अम शान्ति' फावखुंगुर सनु सुदआबो रितुराज सिंहनि रुंसारि जानायाव दुखु मोन्दौ। बिथाडा फावखुंगुर रितुराज सिंहनि मोनसे मिनिनाय सावगारि शेयार खालामो आरो बुडो, 'नौंथांनि जिउमाया गोजौनै थार्थौ'।

फावखुंगुरि बिद्या बालनआ सासे सिनायमोनि सुबुंनि बेरेखायै गोखौं आयेनारि राहा लादौ

आथिखालाव बिद्या बालनआ गावनि फैनो गोनां 'भुल भुलैया 3' सावथुननि थाखाय खौराडव दं। बिद्या बालनआ हरर-कमेडि 'भुल भुलैया' सावथुननि थामथि बाहागोआव कार्तिक आर्यनजौ मन्जुलिका महरै फाव खालामफिनो आबुडै थियारि। बे समावनो आथिखालाव फावखुंगुरि बालननि नंखाय इन्सटग्राम एकाउन्टनि सोमोन्दै मोनसे आपडेट सोराडव फेदौ। बिद्या बालनआ गावनि मुडव



बानायनाय मोनसे नंखाय इन्सटग्राम एकाउन्टनि गेजेरजौ थगायनायनि दायआव मुम्बाइ पुलिसनि खार पुलिस थानायाव सासे सिनायमोनि सुबुंनि बेरेखायै

माहाम देहानि राहा

सोलायनाय बोथोरव सोलेरखौ फिट लाखिनो थाखाय बोथोरनि सन्देरनायखौ होबथानो माखासे जाग्रा मुवाफोरखौ जानाया गाहाम

गासै भारतआव गोजां बोथोरा जोबनो हमबाय आरो उदां बोथोरा जागायबाय। बेबादि थासारियाव बोथोर सोलायनायजौ लोगोसे बोथोरारि एलार्जि आरो सन्देरनायनि खैफोदआ बांनो हमदौ। बोथोर सोलाय-सोल 'नि जाहोनाव बे समाव गुजुनाय, हाफानि, भाइरेल सन्देरनायनि के सफोरा बांगासिनो दं। बेबादि थासारियाव सोलायनाय बोथोरजौ लोगोसे नौंथानि जिउ खुं'नायावबो सोलायनायनि गोनांथि दं। दिनै जौ नौंथानो माखासे जाग्रा आदारनि बागै मिबथिहोगोन जायखौ नौंथाड बे बोथोरव गावनि सावस्त्रिखौ गोग्गोयै लाखिनो आरो बोथोरारि एलार्जि आरो सन्देरनायनिफ्राय गावखौ रैखा खालामनो थाखाय जानो हागोन।



बेरायफोरजौ जुजिनारयाव मदद होयो। (2) बेरिफोर: ब्युबेरी, स्ट्रबेरी आरो रास्पबेरीआ नौंथांखौ बोथोरारि बेरामफोरनिफ्राय रैखा खालामनायाव हेफाजाब होयो। बे फिथाइफोरा रोसि गोनां आरो गोथावल 'नड, बेफोरो एन्टी-अक्सीडेंटफोरजौबो बुंफबनाय, जाय अक्विडेटिव स्ट्रेसजौ जुजिनार आरो बेराम होबथानो हानाय गोहोखौ बांहोनायाव मदद खालामो।

मदद होनो हागौ। (4) सामन्नाम गुफुर: सामन्नाम गुफुरखौ गोबां जाग्रा आदारफोराव बेनि मोदोमनाय आरो स्वाद गोनांनि थाखाय बाहायनाय जायो। बबेखानि आदारनि थावनायखौ बांहोनायनि अनगायैबो, बेयो एन्टी-माइक्रोबियल गुनफोरनि थाखाय मिथिजायो, जाय बेराम सोमजिहोग्राफोरजौ जुजियो आरो इम्युन सिस्टे मखौ साबसिन खालामो।

(3) गोथां मैगं-थाइगं: भिटासिन, खनि, संखि आरो एन्टीअक्विडेट गोनं बिलाइ गोथां मैगंफोर जैरै पालें, केल आरो स्विस् चार्डआ इम्युन सिस्टेमखौ गोखौं खालामनो थाखाय गोनांथार। निउट्रिशन रिभिउआव फोसावजानाय मोनसे फरायसंनारनि बायदिब्ला, गोथां बिलाइ गोनां मैगं-थाइगंफोरा आदार नाइट्रेटजौ बुंफबनाय, जाय एन्टी-इनफ्लेमेटरी गुनफोरजौ लोगोसे मोनसे जिबारि यौगिक, जाय इम्युन सिस्टे मखौ सामलायनायाव

हिटासिन, खनि, संखि आरो एन्टीअक्विडेट गोनं बिलाइ गोथां मैगंफोर जैरै पालें, केल आरो स्विस् चार्डआ इम्युन सिस्टेमखौ गोखौं खालामनो थाखाय गोनांथार। निउट्रिशन रिभिउआव फोसावजानाय मोनसे फरायसंनारनि बायदिब्ला, गोथां बिलाइ गोनां मैगं-थाइगंफोरा आदार नाइट्रेटजौ बुंफबनाय, जाय एन्टी-इनफ्लेमेटरी गुनफोरजौ लोगोसे मोनसे जिबारि यौगिक, जाय इम्युन सिस्टे मखौ सामलायनायाव होबथायो।

रेडिअ मुलुगनि मुंदांखा आमीन सायानीया हार्ट एटेकनि जाहोनाव रुंसारि जाबाय



मुंदांखा रेडिअ फोसावगिरि आमीन सायानीया रुंसारि जाबाय। बिथाडा 91 बोसोर बैसोआव जोबथा हां लायो। थैनायनि जाहोनाखौ हार्ट एटेक होनानै मिबथिनो मोननाय जादौ। आमीन सायानीनि रुंसारि जानायनि जाहोनाव बिथांनि नख 'राव दुखुआ सागलोबदौ। आमीन सायानीया मंगलबारनि मोनायाव मुम्बाइनि गंसे देहा फाहामसालियाव जोबथा हां लायो। मख 'नो गोनादि, आमिन सायानीया हार्ट एटेक जादौमोन, जायनि उनाव बिथाडा बे मुलुगखौ बिदाय होबाय। गोथे सहखौ जोबथा बिदाय होनायनि

सोमोन्दै बिथांनि फिसान्जलाया बुंदौदि, बिथाडा थावैनो बेनि सायाव आपडेट होगोन। दुखुनि बे समाव आमीन सायानीनि नख 'रजौ लोगोसे बिथांनि अनसाइगिरिफोरबो सोमोनांदौ। 21 दिसेम्बर, 1931 मायथायाव जोनोम मोन्नाय आमीन सायानीया रेडिअ मुलुगनि सासे सुपारस्टारमोन। बिथाडा रेडिअखौ सिनायथि होनायाव मोनसे गेदेर बिहोमा होदौमोन। गीत मालाआ बिथांनि बयजौबो मोजां मोनजानाय हाबाफोरिफोरनि गेजेरव मोनसे। बे मोनसे स्व 'या आमीन सायानीखौ गोबां मुंदांखा

खालामदौमोन। बिथाडा गावनि गोदौ गारं आरो बयनिबो गोसो बोनो हानाय स्टायलनि थाखाय गावनि अनसाइगिरिफोरनि गेजेरव सासे सुपारस्टारमोन। आमीन सायानीया गावनि रेडिय केरियारआव 50 रोजानिबो बांसिन स्व 'खालामदौमोन। बिथांनि सिस्टास 'एन्ड ब्रादास' नि गेजेरजौ नायगिरिफोरखौ बिबुंथि होनायनि लामाया दिनैसिमबो थाजिम जानानै दड। बिथांनि देरसिन नख 'र आकाशभाणीया आमीन सायानीनि रुंसारि जानायाव दुखु फोरमायदौ। बिथांखौ मान बाउनानै अल इन्डिया रेडिअया बुंदौ, बयनिखुडबो मेलेम जिबिसिनि दिन्थिफुंगिरिफोरनि गेजेरव सासे आमीन सायानीया रुंसारि जाबाय। बिथाडा रेडिअ दिन्थिफु'नायाव बिनाका गीतमालानि मुंदांखा दिन्थिफु'गिरिमोन। बिथांनि जिउमानाय गोजौनै थार्थौ।

दायाव मुम्बाइ पुलिसआव सासे सिनायमोनि सुबुंनि बेरेखायै केस थिसनो। सशेल मिडियाआव सासे सिनायमोनि सुबुंनि बिद्या बालननि नंखाय इन्सटग्राम आरो आइडि बानायदौ आरो मोनसे जिमेल एकाउन्टबो बानायदौ आरो फिन बै एकाउन्टफोरखौ बाहायनानै बलिउडजौ सोमोन्दो थानाय सुबुंफोरखौ थगायनो नाजादौ। मिथिहोनाय जायोदि, बे सिनायमोनि सुबुंनि बिद्या बालननि नंखाय इन्सटग्राम एकाउन्ट आरो जिमेल अकाउन्ट

एफआइआर थिसन्दौ। बलिउडनि फावखुंगुरिआ गावनि मुडाव नंखाय इन्सटग्राम एकाउन्ट बानायनानै सुबुंफोरनिफ्राय रां खानायनि

बानायदौ आरो सुबुंफोरनो साखि होनायनि खोथा होनानै रां दाबि खालामगासिनो दंमोन। जेक्ला बिद्या बालनआ बेनि सोमोन्दै खौरां मोनो, अब्ला बिथाडा मुम्बाइ पुलिसनो बेनि सोमोन्दै अजद होयो। बिद्या बालननि अजदनि सायाव बिथा खालामनानै मुम्बाइ पुलिसनि खार पुलिस थानाया सासे सिनायमोनि सुबुंनि बेरेखायै आइटिनि सेक्सन 66 (सि) नि गेजेरजौ आयेनारि राहा लायो आरो नायबिजिनारियाखौ जागायो।

इउक्रेननि एब्दिका सहखौ देरहासारनायनि उनाव पुतिनआ सान्त्रिफोरनो हामलायथि होदों

मस्क', 21 फेब्रुवारी: गोबाव सम दावहा नांनायनि उनाव सोलोखान्थियारि नोजोरै मख'जाथाव एब्दिका सहखौ देरहासारनो हानायनि उनाव रासियानि हादरगिरि ब्लादिमीर पुतिनआ बुडोदि, रासियानि सान्त्रिफोरनो दावहानि फोथारआव देरहासारनाय अभियानखौ सोलिलाहोबाय थगोन। बिसोरै इउक्रेनआव आरोबाव माखासे ओन्सोलखौ देरहासारगोन। 2023 नि मे दानआव बाकमुतखौ देरहासारनायनि उनाव बेयो रासिया सान्त्रिफोरनिय बायनिखुइबो देरसिन थाफुसारनो हानाय। हादरगिरि पुतिनआ अख्रामायाव गुन्द्रासा हाथियार थिसन्दों होन्ना आमेरिकानि दाय जाबसिन्नायखौ नेवसिगारो आरो बुडोदि, अख्रामायाव बेबादि जायथि-जाया थिसन्नायखौ रासियाआ अजद होयो।



रासियानि रैखाथि मावख'आ गावसिनि सान्त्रिआ देरहासारनो हानाय एब्दिका सहखौ भिडिअ फोसावदों। जेराव न'-बां आरो सम्पतिफोरखौ बमा होनाई आरो गुलि गावगुनुनाई सिलिखार खालामनायनि रोखा नुथायखौ नुनो मोन्दों। मख'नो गोनादि, बे सहखौ रासियाआ दखल खालामनाई लानो नाजानायाव इउक्रे न सान्त्रिफोरजों गोखोडै जुजिनांदोंमोन। अदेबानि इउक्रेन सान्त्रिआ माखासे सप्ताह

सिगांनिफ्राय बेयाव गोखोडै दावहा नांनाया गोब्राब जानाई फेदोंमोन। बिसोरै दावहानि थाखाय गोनाथार हाथियार आरो गुबुन मुवाफोरनि आंखाल जानाई दावहाथिलिखौ नागरानाई खारनांदों। हादरगिरि पुतिनआबो बुंबावोदि, इउक्रेन सान्त्रिफोरनो एब्दिकानिफ्राय खारलानायनि उनाव इउक्रेन सरकारआ गावनि सान्त्रिफोरखौ लिंहरफिन्नायनि थांखि फोसावदों। पुतिनआ रैखाथि मन्थ्रि सर्गेइ सइगु आरो सान्त्रिफोरनो गहाम हामलायथि

बेरेखा दैदेनगिरि नवलनीनि थैनायनि उनाव आमेरिकाआ रासियानि हेंथा गोखौं थांखि लादों

वाशिंन्टन, 21 फेब्रुवारी: हादरगिरि पुतिननि बेरेखा आरो बेरेखा दोलोनि दैदेनगिरि एलेक्सि नवलनीनि जिउ गोमानायनि उनाव आमेरिकान सरकारआ रासियानि सायाव खुद्रीखोंदों। नवलनीनि थैनायनि उनाव सोनाबयारि हादरफोरनि दैदेनगिरिफोरनो पुतिनखौ बुथास्रा एबा दायनिगिरि होन्नाई गनायथिदों। बिसोरनि बादिब्ला, पुतिनआनो नवलनीनि जिउ गोमानायनि गुबै दायनिगिरि। अदेबानि हादरगिरि पुतिनआ जोबथेसालिआव नवलनीनि थैनायनि सायाव जेबो रइजोयारि बिबुथि होयाखे। बेनि गेजेरवनो हादरगिरि ज बाइडेनआ बुडोदि, बेरेखा दोलोनि दैदेनगिरि एलेक्सि नवलनीनि थैनाय आरो 2 बोसोरनिफ्रायनो सोलिनय



इउक्रे न दावहाखौ लानाने आमेरिकाया शुक्रबारआव रासियानि हेंथायै होबथानायफोरनि मोनसे गिदर पेकेज फोसावगोन। निउज एजेन्सि राइटसनि बादिब्ला, हवाइट हाउसनि माहारियारि रैखाथि बोसोनगिरि जेक सुलिबानआ बुंदोंदि, रासियानि

सायाव गोदाने होबथानाय फोसावनायाव हादरनि रैखाथि आरो गोखोयारि मिरुफोरजों लोगोसे रांखाथियारि रेभेन्नुनि फुंखाफोरजों लोगोसे माखासे मुवाफोरखौबो थांखि खालामनाय जादों। बेराफास हवाइट हाउसनि माहारियारि रैखाथि बुंथिगिरि जन किर्वाँआ

बुंदोंदि, बे पेकेजआ नवलनीआ जाय जेनाजों भुगिनांदों बेनि थाखाय रासियाखौ दायनिगिरि गनायथिगोन। लोगोसेनो बे पेकेजआ इउक्रेनजों सोलिबाय थानाय दावहायाव रासियानि एक्सन लानायनि थाखायबो बिखौनो दायनिगिरि गनायथिनाय जागोन। आमेरिकानि सासे गागि बिबानगिरिआ बुंदोंदि, रासिया-इउक्रेन दावहाया 2 बोसोर आबुं जानायनि खाबुआव रासियानि थाखाय लाबोनाय मोनसे होबथानाय पेकेजनि यजनाखौ सिगाखवनो बानायनाय जादोंमोन। अदेबानि नवलनीनि थैनायनि उनाव बेनि सायाव फिन सानफिन्नाय जादों।

इजराइल-हमास दावहानि सायाव लाबोनाय बिथांखिवरवौ आमेरिकाया भेट' खालामदों

गोदान दिल्ली, 21 फेब्रुवारी: इजराइल-हमास दावहाखौ लानाने इउएन रैखाथि परिषद (इउएनएससि) नि मोनसे बिथांखि लाबोनायनि सायाव आमेरिकाया मंगलबारखालि भेट' खालामो। बे बिथांखियाव सुबुंथिनि थाखाय इमार्जेन्सिये दावहाखौ दोन्थ'नायनि दाबि देखांनय जादोंमोन। बेनि बदलै आमेरिकाआ हमासनि बेखनआव थानाय सुबुंफोरखौ रैखा खालामनायजों लोब्बा गोनां अरायथा नडै दावहा दोन्थ'नो थाखाय खावलायो। गासै सा 15 सोद्रोमा गोनां रैखाथि परिषदआव आल्जेरियानि लाबोनाय बे बिथांखिनि सायाव सा 13 सोद्रोमाफोरा भट होयो। जेराव ब्रिटेनआ बाहागोयारि जायाखै। थानाय बोसोरनि 7 अक्टबरनिफ्राय जागायनाय इजराइल-हमासनि दावहाखौ लानाने बेयो थामथि खेब बेबादि बिथांखि लाबोनाय, जायखौ




आमेरिकाया भेट' खालामदों। बिथांखिनि सायाव भट होनायनि सिगां रैखाथि परिषदआव आल्जेरियानि थान्दै अमार बेन्दजामाआ बुंदोंदि, बे बिथांखिखौ हेफाजाब होना भट होनाया फिलिस्ताइनीफोरनि जिउनि मोन्थायखौ हेफाजाब होनाय जागोन आरो बेनि बेरेखा भट होनाया सोलिबाय थानाय हिंसा आरो बिसोरनो होनाय हान्जायारि साजाखौ हेफाजाब

होनाय जागोन। मख'जाथावदि, इउएनआव आमेरिकानि थान्दै लिन्दा थमास ग्रीनफिल्डआ शनिबारखालि इसारा होदोंमोनदि, बे बिथांखिनि सायाव आमेरिकाया भेट' खालामगोन। मानोना बेयो आमेरिका, मिश्र, इजराइल आरो काठारनि गेजेराव बै सावरायनायखौ हेंथा होनो हागौ। जायखौ दावहाखौ होबथानो आरो हमासनि बेखनआव थानाय सुबुंफोरखौ रैखा खालामनायनि थाखाय लाबोनाय जादों।

मंगलबारखालि भट होनायनि सिगां थमासआ रैखाथि परिषदआव बुडोदि, हमासनि बेखनआव लाजानाय सुबुंफोरखौ रैखा खालामनायखौ गाहाइ नोजोर होयालासे इमार्जेन्सि एबा सर्थ गैयै दावहा दोन्थ'नायनि दाबि दैखांनयजों अरायथा गोजोन फैनाय नड। उल्थायै बेजों हमास आरो इजराइलनि दावहाया गोखौंसिन जानो हागौ। इउएन रैखाथि परिषदआव आल्जेरियानि लाबोनाय बिथांखिखौ आरो बेयाव

मख'नाय थांखिखौ बेखनआव लाजानाय सुबुंफोरखौ रैखा खालामनायजों सरजाबनाय जायाखे। आलादायै गासैबो बेखनआव लाजानाय सुबुंफोरखौ जेबो सर्थ गैयालासे दाबि खालामनाय जादों। फिलिस्ताइनि थान्दै आ परिषदआव बुडोदि, बे बिथांखिखौ बिथा खालामनायजों इजराइलनो रोखा खौरा होनाय जादोंदि, बेयो सुबुंफोरनि जिउ फोजोबानाने रैखाथियै बारा'लांबाय थानो हागोन। बेराफास इजराइलनि थान्दै गिलाद एल्डानआ बुंदोंदि, दावहा दोन्थ'नायजों मोनसेल' जाफुसारनो हागोन आरो बेनो जादों हमासनि गुदि बिथा। बेनि गेजेरवनो आमेरिकाया गावनि मोनसे बिथांखिखौ दिन्थियो। जेराव माखासे समनि थाखाय दावहा दोन्थ'नो खावलायनायजों लोगोसे राफाहआव इजराइलनि हा सा सान्त्रिजों गाग्लोबनायखौ अजद होदों।

आफगानिस्तानआव फिन खेबसेबाव बांघि मावदों



गोदान दिल्ली, 21 फेब्रुवारी: बावेसो सान सिगां भारतनि नसुंसे हादर पाकिस्तान आरो आफगानिस्तानआव हरनि समाव बांघि मावदोंमोन। बेनि उनाव अखानायै फुंनि समाव भातआवबो बांघि मावनायखौ हमदांथिदोंमोन। बिब्दिनो आफगानिस्तानआव फिन खेबसेबाव बांघि मावो। खौरनि बादिब्ला, बुधबार फुंनि समाव 4.2 रिक्टरनि बांघि मावदों। नेसेनेल सेन्टर फर सिस्मलजीनि

बादिब्ला, बांघिआ 10 कि:मि: हा सिं गोथोआव मावदों। एनसिआसआ एक्सआव बांघिनि बागै मिथिहोनाय पस्टनि बादिब्ला, 21 फेब्रुवारि फुंनि 4:7:56 रिगायाव 4.2 रिक्टरनि बांघि मावो। म ख'ज। थ। व। दि, आफगानिस्तानआव 24 घन्टानि गेजेरावनो नैथि खेब बांघि मावदों। समबारखालि आफगानिस्ताननि फैजाबादआव 4.7 रिक्टरनि बांघि मावदोंमोन।

बेनि सिगां नेसेनेल सेन्टर फर सिस्मलजीआ रबिबार मोनाबिलि समावबो आफगानिस्तानआव बांघि मावनायखौ फोसावदोंमोन। बे साननि बांघिआ 5.1 रिक्टरनिमोन आरो बेयाव जेबो रोखोमनि खहा जानायनि खौरां सोराखव फैयाखेमोन। मख'नो गोनादि, थानाय बोसोरनि अक्टबर दानआव आफगानिस्ताननि हेरात राइज्योआव मोनसे गिखंथाव बांघि मावनाया सा 4,000 निबो बांसिन सुबुंफोरनि जिउ खोमादोंमोन आरो रोजा-रोजा सुबुंफोरनि न'-बां सम्पत्तिफोरखौ सिलिखार खालामलांदोंमोन। हेरातआव मावनाय बेबांघिनि गोखौंथिआ 6.3 रिक्टरमोन आरो बेनो ओन्सोलनाडै गिखंथावै सोमावकुलुंदों।

फोरमायै सिमां

(□ 4 बिलाइनिफ्राय)

अ, खोथाया बेवहायसो जादों? जेखिजाया आं मासिनाखौ खेबसे लोगो हमासानो मोनब्ला हामजागोमोन, मासिनाखौ आं नायस्रानो लुबैदोंमोन। नोंनि गोसो। नोंनि लुबैनायखौ आं माब्रै हेंथा होनो? नाथाय नों नुजा हैमारोब्ला फिसानि जीउआ देबोर नांनोबो हागौ। मासिनानि जीउखौ देबोर फान्नो सानाखिसै जयन्तआ। गावनो बिखायाव हाजासे दावदाब लानाने शिलंआव

जेबो हाबिलास गैलिया, बिहा फरायनानै माथो जाबावनो? बे जादों जयन्तनि बाश्रा। दा अनजालिआ जाथायखौ खोनाब्ला माबायदि लागो? सिबाय अनजालि ! नुजेन्नायावनो गोसो थोदों आरो गोसो थोजेन्नायावनो रयसिगोन। नाथाय अनजालिनि गोसोआ रयाखे। लेथाआ गावहानो नांबाय थफेनहा। आखायाव जौनै रां गथायनानै सानसे बुंबाय, बिनानावनि फासै अनाय दंक्ला आब' मासिनाखौ बेसिम लेंबोनाय।

गाव थफेन। बिब्दि जथुमलायनाय जागोन सानफेराखेमोन दं सिबाय जयन्तआ। सिबाय-एसे गोमोहाबादों। मासिनायानो बाश्रखौ जुदिदों। आंखौ निमाहा होदों जयन्त, आंनो गोरोन्थि जाबाय। नोंखौ आं एसेबां पाफेन्त थु मेन सानाखेमोन। खाफाल मोजां आंनो बेबायदि मोजां सेंग्राजों मोजां मोनजादों। आंनि फिसाय डाक्तराबो नोंबायदिनो मोजां मानसि। दालाय माथो जादों, हिनजावनिथ' आंखाल गैया? खथ' आंनिखुइ साबसिनखौनो मोनगोन। बेलाय अनजालि बिनानावनो आंनिखुइ बेसेबा गुन साबसिन। समायखौ नों फोरनो हागौ। फोरबानो जाबाय।

हजरतआ आल्लानि जोबथा पेगाम्बरब्ला बुंनंगोन होवाफ्रा ईश्वोर एबा ईश्वोरनि फिसा। हिनजावफ्रा मानसिनि फिसा। बेखायनो हिनजावफ्रा लोरबां। लोरबां हिनजावफ्रा होवाफोरनि सायायाव थायाब्ला रैखा गैया। आंहाबो राहा गैयामोन। आंनि फारसे कत' मानसिनि नोजोर गोयलेंदोंमोन। आं गिखंदोंमोन। थानाय-फैनाय जेरावबो खेफोद गोनां मोनदोंमोन। आं बुजिदोंमोन-आंखौ संसारनि मानसिफ्रा सिखा हिंसाबै उदाडै थानो होआ। आंनो नांगो जादोंमोन सोरबा सासे सेंग्रा नि मदद। नोंनि सेराव थाफानानै आं गावखौनो गोमोमोनदोंमोन। बे समाव आं हाबानि बाश्राखौ सानथ' आखेमोन। पि. इउ. आव खेबनै गादलिननायनि उनावसो मेगन गोवदो। फरायनायनि अलटारनेतिभआ हाबायाल'सै। नाथाय सोरजों? जयन्तजों? जयन्तआ मोजां मानसि। आं मानसिखौ बासिआ। नाथाय हेंथाया: बियो हिन्दु, आं जाबाय खुष्टान। समाजनि नेमखौ गनायोब्ला हाबा जानो हाया। बिब्दिब्ला दाया आंनि? सोर नेमखौ बाहायखे? हारिनि गेजेराव गावस्रानायखौ सोर लाबोखे? आंनि सान्नाय बादि समाजआ सोलिनो हादों दाबि जेखि-जाया नोंसोर होवा मानसि, ईश्वोरनि फिसा नोंसोर

एसेआवनो मानो नार्थस जायो? हिनजावफ्रा जेरै खोथानि रस फुन्नानै फुस्तायनो गोरों, बेबायदिनो थास्लिमनोबो गोरोंथार। आरो नार्थ ! नार्थआ आंनिआ बेसेबा सिगाडावनो बायखांबाय। बुंनानै जयन्तआ फरायसालिनि गाहाय फोरोंगिरि थाप्राथि बं-बं ओंखार लाडे। मानो? उनाव खौरां मोनदों-जयन्तआ साखिखौ एंगारबाय। साखिखौ एंगारनायल' नडा, सान्नेसोनि उनाव जयन्तआ जायगाखौनो अरायनि थाखाय नागरलांदों। मासिनाया बै दिन खालिनो नआव थांफिनदों। नाथाय बेफोर एसेबां मानि सान्नांगो बाश्रा नडामोन। नाथाय बिखा खामथाव थाव बाश्राया-जयन्त थानायनि उनाव अनजालिआ फासि नांनानै थैदों। थफेना बाश्राखौ बुजिनो हाया-हाया जायो। मुलुगखौनो बियो आनद्लेद नुयो। बिनि खुगायाव माखासे सोदोबफ्रा ओरैनो ओंखारबाय थायो। गोमोथाव ! संसारनि मानसिफ्रा गोमोथाव। संसारिव दं ईश्वोरनि फिसा आरो मानसिनि फिसा। सोर मानसिनि फिसा आरो सोर ईश्वोरनि फिसा? सिमाडाव नुनाय जाथाय फोरा बेफोरनो नडामोन? फोरमायनाय जायखिसै-नाथाय सिमांनि बाश्राफोरखौ।

रासियाआ इउक्रेनखौ गाग्लोबनायाव बाहायनाय सा करियानि मिसाइलफोराव आमेरिका आरो इउरपनि कम्पनीफोरनि माखासे बाहागोफोर मोन्दों



वाशिंन्टन, 21 फेब्रुवारी: सा करियानि मिसाइलफोरजों रासियाआ इउक्रे नआव गाग्लोबनायसिनो दड। एखे समावनो मिसाइलआव थानाय गोबां बाहागोफोरखौ आमेरिका आरो इउरपनि कम्पनीफोरा बानायदों। ब्रिटिस बिथायारि नायबिजिरागा आफाद कनफ्लिक्ट आमामेन्ट रिचास (सिएआर) आ जानुवारिआव इउक्रे ननि खाकि भनिफ्राय बोखांनो हानाय सा करियानि बेलिस्टिक मिसाइलनि आद्रा थालांनयफोरखौ आन्जाद नायदोंमोन। नायबिजिरनाय मोन्नो हादोंमोनदि, मिसाइलफोराव थानाय 290 बाहागोफोरनि गेजेराव 75

जौखोन्दो आ आमेरिकानि कम्पनीजों डिजाइन खालामनाय। एखे समावनो 16 जौखोन्दो बाहागोफोरा इउरपनि कम्पनीफोरजों दिहुनजानाय। 1 जौखोन्दो बाहागोफोरखौ एसियाआव डिजाइन खालामनाय जादों। बेनि सिगाडाव कनफ्लिक्ट आमामेन्ट रिचासआ फोरमायदोंमोनदि, रासियाआ इउक्रेनखौ गाग्लोबनो थाखाय इरानजों दिहुनजानाय जाय इरानखौ बाहायदोंमोन, बे डूननि 82 जौखोन्दो बाहागोफोरखौ आमेरिकानि कम्पनीआव बानायनाय जादोंमोन। बिजिरसनाया बेखौबो दिन्थिदोंमोनदि, इउक्रे नखौ गाग्लोबनायाव

बाहायनाय मिसाइलफोरखौ 2021 आरो 2023 माइथायनि गेजेराव बानायनाय जादों। एसे समावनो मिसाइलफोरखौ मार्च 2023 माइथायनि उनाव ज' खालामनाय जादों। सोनाबयारि हादरफोर, गुबैयै आमेरिका जुथाय हादर आरो जुथाय हादरफोर बेलिस्टिक मिसाइल आरो गुबुन होबथानायनि थाखाय सा करियानि सायाव होबथादों। थेवब्लाबो रासियाआ सा करियाजों गावनि सोमोन्दोखौ साबसिन खालामनो नाजाबाय थादों। रासियाआ इउक्रेनजों दावहा नांनो थाखाय इरान आरो सा करियानिफ्राय सान्त्रियारि मुवाफोर बायबाय थादों।

डब्लिउएडसअआ गाजानि गंसे फाहामसालिनिफ्राय सा 32 बेरामिफोरखौ बोखांनानै रैखा खालामदों

जेरुजालेम, 21 फेब्रुवारी: गाजायाव दावहा दोन्थ'नाय आरो बेखनआव दोनजानाय सुबुंफोरखौ हगारहरनायखौ लानानै नाजाबाय थानायनि गेजेराव इजराइलआ रफाहाआव थांखि खालामनानै गाग्लोबगासिनो दड। बिसोरो हा साजों गाग्लोबनायनिबो थियारि खालामदों। वर्ल्ड हेल्थ अर्गेनाइजेसनआ मंगलबारखालि मिथिहोनाय बादिब्ला, खान इडनिसनि नासिर देहा फाहामसालिनिफ्राय सा 32 गोब्राब बेरामिफोरखौ रैखाथिये दिहुनो हानाय जादों। बेजों लोगोसे बिसोरनि नैथि दिहुनाय हाबाफरिआ आबु जायो। नाथाय वे फाहामसालियावोनो सा 150 बेरामिफोर आरो सावस्त्रि मावफारियाफोर राहा गोथेनानै दंबावो। जायखौ लानानै जिगा सिनाय जादों। मख'जाथावदि, देहा फाहामसालिआव मोब्लिब आरो दैन जगायथाया बन्द जानानै दड। उन्दैफोरनि थाखाय हाबा मावग्रा इउएन एजेन्सि इडनिसे फनि दैदेन्नायाव खालामनाय मोनसे सार्भेआव मिथिनो मोन्दोंदि, सा गाजाआव सा 6 गथ'फोरनि गेजेराव सासे गथ'आ उखै हाबनायजों भुगिनाडो। फिलिस्ताइनि सावस्त्रि मन्थि माय अल कै लाआ बुंदोंदि, नासिर फाहामसालिआव सुबिदाफोर सिलिंखार जानायजों सा 8 बेरामिफोरनि जिउ गोमादों। बिथाडा इजराइलनि सायाव



हारिमायारि नारसिन्थाय होनो खावलायदों। फिलिस्ताइनि बिबानगिरिफोरा बुंदोंदि, गाजायाव सा 29,195 सुबुंफोरनि जिउ गोमाबाय। इजराइलआ थांनाय सानफोरव हमास उतखारिफोर आरो हाथियार दैग्राफोरखौ नागिरनानै नासिर फाहामसालिआव सिप्रोमदोंमोन। इजराइल सान्थि हान्जाया सप्ताहसेनिफ्रायनो फाहामसालिखौ बेदिंनानै थादोंमोन। जायजों बेयाव थानाय सुबुंफोर गोबां जेना जानादोंमोन। बिसोरखौ बेनिफ्राय गुबुन दाबसे जायगायाव जायखारलानो नारसिन्थाय जादोंमोन। डब्लिउएडसअआ एक्सआव खालामनाय मोनसे पस्टआव बुंदोंदि, देहा फाहामसालिआव दाबो सा 130 बेरामिफोर आरो सा 15 देहा मावफारियाफोर दड। बेरफासै इजराइलआ रफाहजों जयै खाथि-खालायाव गावसिनि अभियानखौ सोलिहोदों। इजराइल सान्थि

हान्जाया लेबानननि सिडनआव हिज्बुल्लाह उतखारिफोरखौ थांखिनानै गाग्लोबनायाव बिसोरनि गंने गुदामफोरखौ सिलिंखार खालामो। फिलिस्ताइनआव इजराइलनि 57 बोसोर दखल खालामनानै लानायखौ ने डारलेण्डनि हेग'आव थानाय इन्टारनेसनेल कर्टआ जारिमिनारि हियारि होयो। थांनाय मंगलबारखालि नैथि साननि हियारिआव खोला आफ्रिकाआ बाश्रा बानबुथियाव बुडोदि, इजराइलआ गावनि आइनारि दखल खालामनानै लानाय ओन्सोलाव फिलिस्ताइनीफोरजों फारागथि आखु दिन्थयो। बेयाव बिसोरनि गाहाइ मोन्थायफोरखौ नेवसिगारनाय जायो। नाथाय इजराइलआ बे दाबिखौ गोखोडै नेवसिगारो। हारिमायारि बिजिरगिरिफोरनि सा 15 सोद्रोमानि पेनेलनि सिगाडाव ने डारलेण्डआव खोला आफ्रिका थान्दै

बुसिमुजि मेडनासे लाआ बुंदोंदि, फिलिस्ताइनीफोरजों गाबखौ लानानै फाराग दिन्थनायखौ थाबै नो होबथानांगो। बेरफासै इजराइलआ हियारिनि समाव नुजाथियाखै। बेयो थांनाय बोसोरवनो कर्टआव सोंथाव सोंथिफोरनि फिन्नायखौ लिरनानै जमा होदोंमोन।

हाजोयाव बरफ गोग्लैनायनि जाहोनाव हायेन ओन्सोलाव बोथोरआ गुसु सुहाबदों

गोदान दिल्ली, 21 फेब्रुवारी: हाजोफोरव थाद'नाय गैये अखा आरो बरफ गोग्लैनाय थानायनि जाहोनाव फैलाव हायेनफोरव बोथोरआ गुसु जादों। बोथोर बिगियान बिफाननि बादिब्ला, दिने दिल्लीआव इयुन रादाव होदोंदि, बुधबारखालि सानसे जोमै साग्लोबनानै तागोन आरो एसे अखा हानो हागौ। आइएमडिनि बादिब्ला, फैगौ 24 घन्टानि गेजेराव दिल्ली एनसिआरजों लोगोसे पान्जाब आरो हारियानानि सान्जा



बाहागोफोरव एसे अखा हानो हागौ आरो माखासे ओन्सोलफोराव गेजेर थाखोनिक्राय रोजा अखा हानो हागौ। दिल्लीआव गुसु बार बारनायजों लोगोसे अखाबो

अखा हागासिनो दड। बोथोर बिगियान बिफाननि बादिब्ला, राजथावनिजों लोगोसे दर 40 नि बांसिन जिल्लाफोरव फैगौ साननैआव अखा हानायनि आसा दड। उत्तराखण्डआव थाद'नाय गैये बरफ गोग्लैनायनि जाहोनाव राइज्योन हाजोफोरा गुफुर जाबाय। बरफ गोग्लैनायनि जाहोनाव सुबुंफोराबो जेनाफोरजों मोगा-मोगि जानो गोनां जादों। बोथोर बिगियान बिफानना राइज्योआव अखा, बरफ आरो सारअन्थाय

फोनांजाबनो? बेनि थाखाय गिबियावनो
1. नोंथाड नोंथानि device नि settings (सेटिंग्स) आव थानांगोन।
2. बेनि उनाव Wi-Fi networks (वाइ-फाइ नेटवर्क) खौ सायख'ना लानांगौ।
3. बेनि उनाव रेलवायरनि नेटवर्कखौ सायख'नांगौ।
4. बेनि उनाव रेलवायरनि वेबपेजखौ खेवनानै नोंथाड नोंथानि मबाइल नम्बरखौ हो।
5. बेनि उनाव मबाइलाव अटिपिआ फेगोन।
6. दानिया नोंथाड रेलवायरजों फोनांजाबनो थाखाय पासवार्ड महरै अ.टि.पि.खौ आबु खालामनांगोन।
7. अ.टि.पि. आबु खालामखानायनि उनाव नोंथाड इन्टारनेटजों फोनांजाबनाय सुबिधाखौ मोन्तो हागोन।



जागायजेनबाय। बेसेन नाडै वाइ-फाइनि मुलाम्फाखौ रेलवे स्टेसनावल' मोन्तो हायो। ट्रेन दावबायनाय समाव रेलवायरा खामानि मावा। नोंथाड बेनि वेबसाइट railwire.co.in बेनिफ्राय रेलवायरनि इन्टारनेट पेकनि फोरमायथिखौ मोन्तो हागोन। जुदि नोंथाड रेलवायरनि इन्टारनेट पेकखौ बायनो लुबैयो, अब्ला नोंथाड नेट बैंकिंग, वालेट, क्रेडिट कार्ड आरो इउपिआइनि गेजेरजों रां होनो हागोन। बेसेन

नाडै वाइ-फाइआ 1 एमबिपिएसनि गोखैथि होयो। एखे समावनो, इन्टारनेट पेकआव 34 एमबिपिएसनि गोखैथिखौ मोन्तो हायो। थांनाय बोसोरनि अक्ट'बराव खुंजानाय इन्डिया मबाइल कंग्रेस 2023 आव बेखौ मिथिनो मोन्दोंमोनदि, रेलवे स्टेसनफोराव दानफोमबो 46 लाख जिबिनि बांसिन इन्टारनेट बाहायनाय जायो। फन एबा लेपटपखौ माबोरै



MINISTRY OF
NEW AND
RENEWABLE ENERGY
GOVERNMENT OF INDIA

सत्यमेव जयते

नोंथानि न'नो हो स'लार गोहो आरो
बेसेन नाडै मोब्लिबनि अन्थोब होदो

लोब्बा जादो गाहाइ मन्थि : सुर्य न' बेसेन नाडै मोब्लिब बिथांखिजों

“ बे बिथांखिआ गोबां आयगोनां,
बाडाइ मोब्लिब मासुल आरो
सुबुंफोरनि थाखाय खामानि लाबोगोन ”

-गाहाइ मन्थि, नरेन्द्र मदि



1 कौटि नख'रनि थाखाय ₹75 रोजा कौटिनि थिसन्नाय

बिथांखिनि आखुथाय

दानफोमबो 300
इउनिटसिम मोब्लिब

बिथांखिजों लोब्बा जानायनि
राहाया जोबोद गोले

₹ 78 रोजासिम साबसिदि

बाडाइ सुतनि हाराव
दाहार



pmsuryaghar.gov.in

आव लगइन एबा किउआर क'डआव स्केन खालामनानै रेजिस्टार खालाम।